

Okunnyonnyola Emirembe Omusanvu Egy' Ekkanisa

Essuula Eyoomusanvu Omulembe Gw'ekkanisa Ya Saadi

Okubikkulirwa 3:1-6

"Era eri malayika w'ekkanisa ey'omu Saadi wandiika nti; Bw'Ati bw'Ayogera oyo Alina emyoyo omusanvu egya Katonda, n'emmunyeenyemusantu, nti Mmanyi ebikolwa byo, ng'olina erinnya ery'okuba omulamu, era oli mufu.

Tunula, onyweze ebisigaddeyo ebyali bigenda okufa; kubanga ssaalaba ku bikolwa byo ekyatuukirira mu maaso ga Katonda Wange.

Kale jjukira bwe waweebwa ne bwe wawulira; okwate, weenenye. Kale bw'otalitunula, Ndijja ng'omubbi, so tolimanya ssaawa gye Ndijjiramu gy'oli.

Naye olina amannya matono mu Saadi agataayonoona ngoye zaabwe; era balitambula Nange mu ngoye enjeru; kubanga basaanidde.

Bw'atyo awangula alyambazibwa engoye enjeru; so Sirisangula n'akatono linnya lye mu Kitabo ky'Obulamu, era Ndyatula erinnya lye mu maaso ga Kitange, ne mu maaso ga bamalayika Be.

Alina okutu awulire Omwoyo ky'Agamba ekkanisa."

Saadi

Saadi edda kyali kibuga mu Ludiya. Kyava mu mikono gy'abalangira b'omu Ludiya ne kidda mu gy'Abaperusi ate ne kiva mu gy'Abeperusi ne kidda mu gya Alexander ow'ekitalo. Kyawambibwa Antiyokasi ow'ekitalo. Bassekabaka ba Perugamo be baddako okukifuga okutuusa ate Abaruumi bwe baakiwamba. Mu biro bya Tiberius musisi ne kawumpuli byakifuula amatongo. Na kati kikyali ntuumu ya biyinjayinja era matongo.

Lumu ekibuga kino kyali kikulu nnyo mu by'obusuubuzi. Pliny yagamba nti okufumba "wuulu" mu langi kwavumbulibwa mu kibuga kino. Okufumba "wuulu" mu langi n'okuluka ebiwempe byali bisibuka wano. Kyalimu ffeeza ne zaabu ebiwerako era kigambibwa nti ssente za zaabu wano we zaasookerwa okuweesebwa. Mwalimu n'akatale k'abaddu.

Eddiini y'omu kibuga kino kwali kusamirira katonda omukazi eyayitbwanga Cybele. Entuumu y'amayinja n'omusenyu ebya yeekaalu bikyasoboka okulabika.

Munajjukira nti mu mulembe gwa Perugamo nnagamba nti endowooza y'Ekibabulooni eya "omwana ne nnyina" emanyiddwa nga Semiramis ne Ninus yafuuka Cybele ne Derius ab'omu Asiya. Amannya oba ebitiibwa ebikozesebwa mu kunnyonnyola ebibiri bino gatangaaliza ddala bwe tugatunuulira eruuyi n'eruuyi.

Omusalija ye yali katonda njuba; omukazi ye yali mwezi. Omusalija ye yali mukama w'eggulu: omukazi ye yali nnaabakyala w'eggulu.

Omusalija ye yali abikkula obulungi n'amazima; ate omukazi ye yali ow'obuwombeefu n'okusaasira.

Omusalija ye yali omutabaganya mu basajja; omukazi ye yali omutabaganya ku ludda Iw'abakazi.

Omusalija ye yali ekisumuluzo ekiggulawo era ekiggalawo ensi etalabika; n'omukazi yalina ekisumuluzo kye kimu kyennyni n'obuvunaanyibwa.

Omusalija ye yali omulamuzi; ono ye omukazi yalinga ku luuyi Iwe. Omusalija bwe yattibwa, yazuukira n'agenda mu ggulu; omukazi yatwalibwa mwana era yagenda n'omubiri.

Kati mu Rooma katonda ono y'omu yaweebwa omutwe okuyitibwa Mukama: omusalija ayitibwa Mwana wa Katonda ate ng'omukazi ayitibwa nnyina wa Katonda.

Kati ekyo kye twasanze emabega mu mirembe giri ebiri, "endowooza y'omwana ne nnyina" gye yayatiikiririra. Naye kati laba nga bwe gwali eri mu Babulooni okusinza omwana kwatandika okukendeera okusinza kwa nnyina ne kuddawo kale, yatandika (omukazi) okutwalira ddala ekifo ky'omwana. Mu mulembe guno tulaba nti ensinza ey'ekikaafiri ey'omu Saadi kwali kusinza mukazi ono. Cybele ali yekka, so si Cybele ne Decius. Nnyina atwalidde ddala ekifo ky'omwana we, n'aweebwa n'ebisaanyizo by'obulamba bwa Katonda. Omuntu ky'alina okukola kiri kimu kyokka kwe kuddamu okwekenneeny emitwe (amannya) ajjukire ebitiibwa Ekereziya y'e Rooma by'ekozesa ng'ennyonyola ku Malyamu okusobola okutegeera eddiini y'omulembe guno wa gye yasibuka.

Ebantu bibiri ebyannewuunyisizza bwe nnatunudde mu kusinza Cybele kuno. Ekimu kiri nti yayambalanga ekisumuluzo nga Janus ekyamuweesanga obuyinza bwe bumu nga Janus, (ekisumuluzo ky'eggulu n'ensi n'ebyama) n'ekyokubiri nti abaasinzunga beekubanga embooko okutuusa omusaayi lwe gwavanga mu mibiri gyabwe ekintu ekikyakolebwa na buli kati Abakatoliki abeewulira nti babonaabona okufaanana nga Mukama.

Ekikulu eky'okuba nti omulembe guno gwe gwasookera ddala okwawukana ku bwa ppaapa bwa Rooma ne gukulaakulana, awatali kubuusabuusa nnabbi omukazi Yezeberi kyamuleetera okunyweza n'okuggumiza enjigiriza ey'okusinza Malyamu mu bumalirivu bw'okuwakanya Abapulotesitanti abaagaanira ddala nti Malyamu teyalina kintu kyonna kye yakola mu ntegeka ya Katonda ey'obulokozi okuggyako okusiimibwa Katonda azaale Omwana ate nga mbeerera. Luther nga bwe yanyweza enjigiriza y'okutukuzibwa okuyita mu kukiriza, beekwata ku bikolwa, okwebonereza, essaala n'encola endala ezitali mu byawandiikibwa. Abakulisiaayo ab'eddeme bo bwe baagulumizanga Omwana nga bo Abakatoliki Abarumi beeyongera mu maaso kufuula Malyamu katonda okutuusa mu kyasa ky'abiri (ekyawakanyizibwa Abarumi abayigirize mu by'eddiini abasembayo waggulu) ppaapa Piyo bwe yagulumiriza ddala Malyamu okumubala nti yalina omubiri gw'ekitiibwa ky'okuzuukira. Enjigiriza eyo mu buli ngeri ya Kibabulooni ey'omwana okusitula nnyina obukolokolo n'amutwala mu ggulu.

Omulembe guno ogwokutaano kye guva gugendera awamu n'emirembe emirala era bwe kiriba okutuusa lwe guliggweera mu nnyanja ey'omuliro omwenzi n'abaana be mwe battibwa mu kufa okwokubiri. Ky'ekyo. Okusinza Malyamu ne lubaale Cybele. Ye ate mukimanyi nti Cybele ye yali Astarte Yezeberi gwe yalinga akola naye nga kabona omukazi ne yeesittaza Isiraeri ng'ayita mu bikolwa eby'obukaba? Yee ekkyo kye yali mu Bayibili.

Omulembe

Saadi oba omulembe gw'ekkanisa ogwokutaano gwatandika mu mwaka 1520 ne gukoma mu 1750. Bulijjo guyitibwa omulembe gw' okuddaabulula.

Omubaka

Omubaka w'omulembe guno ye mubaka asinga obumanyifu mu mirembe gyonna. Yali Martin Luther. Martin Luther yali tuyizi omugezi era omukkakkamu. Bwe yali asomerera eby'amateeka obulwadde n'okufa kwa mukwano gwe byamuleetera obutasaaga ku mbeera y'obulamu bwe obw'omwoyo. Yayingira mu kigo ekyayitbwanga Augustinian ekyali mu Erfurt mu mwaka 1505. Eyo yasomerayo eby'obufirosoofa n'Ekigambo kya Katonda.

Yatambulira mu bulamu bw'okwebonereza obusingayo wabula ebikolwa byonna eby'okungulu tebyamwerabiza oba okumuggyako okulumirizibwa kw'ekibi. Yagamba, "Nneebonyaabonya okutuuka okwetta nsobole okufuna emirembe ne Katonda naye nnali mu nzikiza era ssaagifuna." Vicar-general gwe baali naye mu kibiina ekimu eyayitbwanga Staupitz, yamuyamba okulengera ebuziba nti obulokozi bwe bwali bulina kuba bumanyirivu munda ye so si kukola mukolo oba kalombolombo. Bwe yazzibwamu bw'ati amaanyi yeeyongera okunoonya Katonda. Oluvannyuma yafuuka kabona. Naye yali tannalokoka.

Yafuuka omuyizi ow'ebuziba ennyo ayaayaanira Ekigambo n'emirimu gy'eddiini eg'yekitalo egirabikira ddala. Baamunoonya abuulire era ayigirize olw'okumanya ennyo n'obwesimbu bye yalina. Okutuukiriza obwewayamo bwe yali yekoledde yagenda e Rooma. Eyo gye yalabira obutaliimu bw'ebikolwa ebikakaatike obukakaatike okuleeta obulokozi, Ekigambo kya Katonda ne kikoma ku mutima gwe, "Abatukuvu

banaabeerangawo lwa kukkiriza."

Bwe yaddayo eka amazima g'enjiri gano ge yafunira ku minsoni gajjula omutima gwe n'asumululwa mu kibi era n'azaalibwa mu bwakabaka bwa Katonda. Mangu ddala oluvannyuma lwa bino yakuzibwa ku ddaala ly'obwa ddokita mu by'eddiini (Doctor of Divinity) n'alagirwa "okuweerayo ddala obulamu bwe bwonna okusoma, okuyigiriza mu bwsigwa, n'okulwanirira Ebyawandiikibwa ebitukuvu." Kino yakikola era ekyavaamu, omutima gwe n'egy'abo abaali okumpi naye gyanywerera ku mazima g'Ekgambo. Amangu ago Ekgambo mu Iwatu kyakoonagana n'ebivumo by'enjigiriza n'ebikwate by'ekkanisa.

Kale Leo ow'ekkumi bwe yafuuka ppaapa, ne John Tetzel n'ajja okutunda yindulugensiya okuggyawo ebibi, Luther teyalina kirala kya kukola okuggyako okwanganga enjigiriza eno erwanyisa Ebyawandiikibwa. Okusooka ng'ali ku kituuti yagiboggolera olwo n'awandiika ensonga kyenda mu ttaano (95) ze ye yatimba ku Ekereziya y'e Castle nga 31 October 1517.

Mu kaseera katono Germany yatutumuka n'okuddaabulula kwaliwo mu kiseera ekkyo. Kati ka kijjukirwe nti Martin Luther si ye yekka eyawakanya Abakkiriza ba Ekereziya y'e Rooma. Yali omu ku bangi. Abalala baali bammye bappaapa obuyinza obw'omu mwoyo bo bennyini bwe beewanga era ne mu bappaapa mwalmu enkyukakyuka entonotono okumala akaseera. Yee, waaliwo abalala bangi abeemulugunya, naye ku bya Luther ekiseera kyali kituuse olw'omulimu ogwa nnamaddala ogw'okuba entandikwa y'okuzaawula ekkanisa ezzibwe ku kufukibwako Omwoyo Omutukuvu oluvannyuma ennyo.

Kati ye Martin Luther, yali mwegendereza eyali ajjuiddwa Omwoyo ogw'Ekgambo. Ddala ddala yali musajja wa Kigambo kubanga yali takiyaayanira kukisoma kwokka naye n'okukifunira abalala bona bona basobole okukitambuliram. Yavvunula Endagaano Empya n'agiwa abantu. Omulimu ogw'amaanyi guno ye yagukola n'agololanga ekitundu kimu emirundi makumi abiri malamba. Yeekunngaanyiza ekibiina ky'abasomi b'Oluyonaani omwali n'Abayudaaya n'avvunula Endagaano Enkadde.

Omulimu gwa Luther guno og'wekijjukizo gwe mulimu okuyimiridde emirimu gyonna egyagenda obulungi mu Byawandiikibwa mu Lugermany.

Yali mubuulizi wa maanyi era omuyigiriza w'Ekgambo, naddala mu myaka gye egysooka bwe yabuuliranga mu lujjudde yakissangako essira nti Ekgambo ye yali minzaani ey'oku ntikko ekozesebwa okupima ebirala. N'olw'ekkyo yali awakanya eky'ebikolwa okuba nti y'engeri y'okulokokamu n'eky'okubatizibwa okuba nti y'engeri y'okukyusibwamu. Yayigiriza obutabaganya bwa Kristo ng'oggyeeko omuntu, nti bwe kityo bwe kyatwalibwanga mu Pentekoote era bwe kyasooka. Yali musajja musabi nnyo era yali ayize nti gye yali akoma okuba n'emirimu, era ne gye yali akoma okunyigrizibwa olw'ebiseera gye yakoma okuwaayo ebiseera bye eri Katonda mu kusaba okusobola okufuna okuddibwamu okumatiza. Yamanya kye kyali kitegeesa okulwana ne Setaani era kigambibwa nti lumu yalabira ddala Setaani n'amuyiira akakopo ka byino nga bw'amugamba agende. Olulala abazoole babiri bajja gy'ali okumusendasenda abeegatteko mu kuzikiriza bakabona ne Bayibuli. Yategeera omwoyo ogwabalimu n'abagoba.

Omuwandiisi w'ebafaayo Saure, mu kitabo kye ekiytibwa Saure's History Volume 3 olupapula 406 yawandiika ku ddokita Martin Luther ng'agamba yali, "nnabbi, omubuulizi w'enjiri ebweru, yayogeranga mu nnimi, yavvunulanga ennimi, omuntu omu, yaweebwa ebirabo byonna omwenda eby'Omwoyo."

Ekyakyamula omutima gwe n'Omwoyo Omutukuvu, era ekyali omutunsi ogutojerra ne kiraga amakulu nti amazima gaali gakomawo eri ekkanisa mu ngeri gye gaali gamanyiddwamu ku Pentekoote, yali njigiriza ey'okuggyibwako omusango (justification); obulokozi okuyita mu kisa, ng'oggyeeko ebikolwa. Nkiraba nti ddokita Martin Luther teyakkiriza bukkiriza na kubuulira bubuulizi kuggyibwako musango wabula ekkyo gwe gwali omulamwa gwe ddala nga bwe kyali kiteekwa okuba kubanga ogwo gwe musingi gw'amazima g'Ekgambo. Emirembe gyonna ajjanga kujukirwa nga bwe yakozesebwa Katonda okuzza obuggyaa amazima gano. Ye yali omubaka owookutaano n'obubaka bwe bwali, "ABATUKUVU BANAABERANGA BALAMU LWA KUKKIRIZA." Ddala tukkiriza nti yamanya era n'ayigiriza nti tuva mu kukkiriza era tudda mu kukkiriza. Engeri ye ey'amagero gye yategeeramu obugulumivu obw'oku ntikko, okulondebwa, okwawulibwa n'amazima amalala bimulaga nga bwe yali omusajja ow'ekitalo mu Kigambo, ate era nkiddamu, okufaanana ng'ab'ebafaayo, Katonda Yamukozesa okuleetera abantu

minzaani ya Katonda gy'Apimisa ebikolwa —“Abatukuvu banaaberangawo lwa kukkiriza.”

Kati nga bwe nnakyogeddeko edda, omulembe guno ab'ebafaayo baguyise ebiro eby'okuddaabulula. Ekyo kituufu kyennyini. Bwe kityo bwe kyali. Kyalina kuba ekyo kubanga Martin Luther yali muddaabuluzi so si nnabbi. Kati mmanyi ekitabo ky'ebafaayo kimuyita nnabbi naye tekitegeeza nti ekyo kituufu kubanga tewali buwandiike ku Martin Luther bulaga nti waliwo bye yakola ebimugwanyiza okuyitibwa nnabbi wa Katonda omutuufu mu makulu gennyini ag'Ebyawandiikibwa. Yali muyigiriza mulungi era mu bulamu bwe mweyolekamu Omwoyo era tutendereza Katonda olw'ekyo. Kale yali tasobola kukulembera kkanisa kugizzaayo ku mazima gonna okufaanana ng'omutume Pawulo eyali nnabbi ate era omutume.

Kati ekiseera nga bwe kyagenda kyeyongera mu maaso tusanga enkyukakyuka ey'ekitalo mu ngeri gye yakwatangamu ensonga naye yennyini ezaamukwatangako. Yasooka n'abeera mukkakkamu nnyo, nga tatya, omugumiikiriza era alindirira Katonda obutasalako Amuggyirewo ebizibu. Naye olwo abantu abangi ennyo baatandika okujja wansi wa bendera ye. Ekigendererwa kyabwe mazima tekyali kya mwoyo. Wabula byali bya bufuzi. Baayagala okumenya ekikoligo kya ppaapa. Baakyawa okuweereza ssente e Rooma. Abazoole baasituka. Mangu yayawulibwa n'ayingizibwa mu by'obufuzi n'ensonga ezaali ebweru w'ekkanisa okuggyako nti ekkanisa okuyita mu kusaba, okubuulira n'enneyisa yalina okuteekawo eddaala ery'okugobera. Emitawaana gino egy'ebyobufuzi gyeyongera okutuusa lwe yawalirizibwa n'ayingizibwa mu kifo ekizibu okuddukanya, eky'okuba omutabaganya wakati w'abakungu n'abanaku. Bye yasalawo byali bikyamu nnyo n'okuleeta ne bireeta akagugumuko era enkumi z'abantu ne battibwa. Kye yagenderera kyali kirungi, wabula ate era yali azzeemu omulundi omulala okweteeka mu Njiri egatta ekkanisa n'eggwanga kale yalina kukungula mpewo.

Okuggyako ebyo byokka, naye Katonda Yakozesa Martin Luther. Kireme kugambibwa nti ebigendererwa bye byali bikyamu. Wabula ekiba kigambibwa kyokka kye kino nti okusalawo kwe kwe kwali okukyamu. Mu butuufu abagoberezi ba Martin Luther singa baddayo ku njigiriza ze, ne baweereza Katonda nga ow'Oluganda ono bwe yamuweereza, mazima abantu abo bandiweesessa Katonda ekitiibwa.

Okulamusia

Okubikkulirwa 3:1,

“Bw'Ati bw'Ayogera Oyo Alina Emoyo omusanvu egya Katonda, n'emmunyeenye omusanvu.”

Nate era nga mu mirembe ena egy'emabega Omwoyo Abikkula Mukama waffe Ow'ekisa gye tuli ng'Aggyayo ebimunyyonnyolako eby'ekitalo. Ekiseera kino nga bw'Ayimiridde wakati mu kkanisa, tumulaba nga y'Oyo Alina Emoyo gya Katonda omusanvu n'emmunyeenye omusanvu. Emmunyeenye omusanvu zino, ffe bo tubamanyi, naye tuffa kunoonya Emoyo omusanvu kiki kye gyogerako.

Enjogera y'emu esangibwa emirundi ena mu Kubikkulirwa.

Okubikkulirwa 1:4,

“Era ebiva eri Emoyo Omusanvu egiri mu maaso g'entebe Ye.”

Okubikkulirwa 3:1,

“Bw'Atyo bw'Ayogera Oyo Alina Emoyo omusanvu.”

Okubikkulirwa 4:5,

“Ne ku ntebe nga kuvaako okumyansa n'amaloboozi n'okubwatuka. N'ettabaaza omusanvu nga zaaka mu maaso g'entebe, gy'emyoyo omusanvu egya Katonda.”

Okubikkulirwa 5:6,

“Ne ndaba wakati w'entebe n'ebiramu ebina, ne wakati w'abakadde, Omwana gw'Endiga ng'Ayimiridde ng'Afaanana ng'Eyattibwa ng'Alina amayembe musanvu n'amaaso musanvu, gy'emyoyo omusanvu egya Katonda egitumibwa mu nsi zonna.”

Okusooka, tukimanyi nti mazima ddala ennyiriri zino teziyigiriza njigiriza mpya ekontana ne Yokaana 4:24a “Katonda Mwoyo (omu).” Naye kino kiringa I Abakkolinso 12:8-11 we tusanga Omwoyo OMU nga yeeyolesa mu ngeri MWENDA. Kale tumanyi nti Emoyo omusanvu egya Katonda kitegeeza nti Omwoyo gumu era gwe gwo ogujja mu ngeri omusanvu. Kati mu Okubikkulirwa 4:5 Emoyo omusanvu gino gye gimu giyitibwa 'ettabaaza ezaaka n'omuliro' mu maaso ga Mukama. Okuva Yokaana lwe yakozesanga obubonero bw'omu Ndagaano Enkadde yokka mu Okubikkulirwa, tugenda mu Ndagaano

Enkadde ne tusanga mu Ngero 20:27, nti "omutima gw'omuntu y'ettabaaza ya Mukama." Emyoyo gino omusanvu gisangibwa okuba nga gikwataganyizibwako n'omuntu. Yokaana omubatiza mu Yokaana 5:35 yayitibwa "ttabaaza eyaka emasamasa" mu butuufu kyandivvuunuddwa nti "ettabaaza eyaka." Nate mu Okubikkulirwa 5:6 Emyoyo omusanvu girabibwa ng'amaaso omusanvu.

Mu Zekkaliya 4:10,

"Kubanga ani anyoomye olunaku olw'ebintu ebitono? Kubanga balisanyuka era baliraba ejinja erigera mu ngalo za Zerubbaberi, bano omusanvu ge maaso ga Mukama."

Kyeragira ddala nti Ekigambo "bano" kyogera ku bantu. Kale tulaba nti amaaso ga Mukama wano bantu — era n'okufukibwako ba kufukibwako amafuta, ba kujjuzibwa Omwoyo Omutukuvu, kubanga obuweereza bwa Katonda tebuli mu maanyi ga bantu wabula mu maanyi g'Omwoyo Omutukuvu. Nga tutadde wamu Ebyawandiikibwa byaffe bye tuzudde kyeraga nti Emyoyo omusanvu egya Katonda gyogera ku buweereza obugenda mu maaso obw'Omwoyo Omutukuvu mu bulamu bw'abantu omusanvu Katonda be Yeeraga nabo. Maaso Ge era ttabaaza Ze. Kyangu okulaba abantu bano be baani kubanga ebigambo ebiddirira bibayita mmunyeenyne musanvu ze twamanya edda ng'ababaka omusanvu eri emirembe omusanvu. Ekyo nga kirungi. Mulabe, emmunyeenyne yaliwo kumasamasa ekiro kubanga enjuba eba egenze. Kale n'omubaka bw'atyo (alabibwa ng'emmumyeenyne) eri buli mulembe yali wa kumasamasa ng'alaga omusana gw'Omwna. Bonna Omwoyo Omutukuvu bwe Yabakozesa.

Pawulo ye Mubaka eyasooka era yagamba mu Abaggalatiya 1:8 nti malayika yenna omubaka yenna, omusigire si nsonga k'abeere ani — bw'abuulira enjiri endala Pawulo gy'ataabuulira akolimirwe. Pawulo yamanya nti oluvannyuma ng'avuddewo emisege emisikuzi gyali nya kujja. Yamanya nti setaani mwene, yali wa kulabika nga malayika w'omusana kale ate bo abaweereza be si ba kusingawo? Kale alabula nti Enjiri eno yali ya kuba bumu olubeerera. Kati Pawulo yali abatizza mu Linnya Iya Yesu era n'addamu okubatiza abantu abaali batannyikiddwa mu ngeri eyo. Ekklesia yagitegeka mu ngeri entuufu n'ayigiriza abantu enkozesu entuufu ey'ebirabo by'Omwoyo era n'akakasa nti byali bya kusigala mu kkanisa okutuusa Yesu Iw'Alidda. Kale ababaka abaddirira, abasigaddeyo omukaaga, baalina kuba n'Omwoyo y'omu Omutukuvu nga baaka n'omuliro gwe gumu era bawe omusana gwe gumu ogw'Enjiri ya Yesu Kristo n'obubonero bubagoberere. Irenaeus ebyo byaliwo mu buweereza bwe? Yee. Ate Martin? Yee. Ate Columba? Yee. Ate Martin Luther? Yee awatali kubuusabuusa. Ate Wesley? Yee ssebo, yalina obuweereza buyitirivu yasabira n'embalaasi ye okuwona era n'ewona. By'ebyo. Ababaka musanvu n'emirembe musanvu byonna nga bifaanana, era Pawulo yalangirira ekikolimo ku oyo yenna agamba nti mubaka naye ng'alina enjiri enjawufu era ng'atambulira mu musana omwawufu.

Kaakati ebigambo byange ebyo ebrisembayo bikkiriziganya n'Ekiyambo? Yee. Kigamba mu Kigambo nti omuntu yenna bw'agattako ku kitabo kino oba bw'akitoolelako, agenda katuukibwako ebibonyoobonyo era Katonda Amusalire omusango.

Katonda Yagamba,

"Ndiyongerako ebibonyoobonyo ebiwandiikkidwa mu Kitabo kino oba Ndiggyako eby'oyo mu Kitabo ky'obulamu."

Okubikkulirwa 22:18.

Kale tulaba nti Emyoyo Omusanvu ddala gyogera ku Mwoyo gwa Katonda ogumu ng'Akola Katonda by'Ayagala n'Ekiyambo kya Katonda mu mirembe egitali gimu. Ekyo ka nkibaweko ekifaananyi okuva mu Kigambo. Omwoyo wa Katonda Yali wa maanyi ku Eriya. Omwoyo Oyo y'omu yajja ku Erisa emirundi ebiri okusinga bwe yali ku Eriya. Oluvannyuma nga wayiseewo ebyasa, Omwoyo gwe gumu gwe tuyita Omwoyo gwa Eriya tusobole okunnyonnyola obuweereza bwagwo, gwakomawo ku Yokaana Omubatiza. Lumu Omwoyo gwe gunu ogwo okuyita mu buweereza bwe bumu gwa kujja ku muntu ow'enkomerero y'omulembe gw'ekkanisa y'Abaamawanga.

Ate era: Ebyawandiikibwa bigamba nti Katonda Yafuka amafuta g'Omwoyo Omutukuvu n'amaanyi ku Yesu ow'e Nazaaleesi n'Agenda ng'Akola ebirungi ng'Awonya bona abaali baojoogebwa Setaani. Bwe Yali Agenda Yagamba abayigirizwa be okulinda okutuuka ku Pentekoote ekiseera Omwoyo y'omu we Yali owookujjira Abakkeko Abajjuze. Olwo abo "abayite okufuluma" (ekkanisa) mu ngeri eyo baali ba kuba nga bamukiikiridde ku nsi. Era olw'okuba nti Omwoyo ogwo gwe gumu ogwali mu Ye gwali gwa kuba mu bo, baali

ba kukola emirimu gye gimu gyennnyini. Era abantu bona nga ddala mubiri gwa Yesu Kristo (ekkanisa entuufu) ya kwoleka emirimu gye gimu nga Yesu gye Yakola n'Ekkanisa ya Pentekoote kubanga Omwoyo y'Omum y'Alibeera mu bo. Ekkanisa endala yonna etalina Mwoyo n'okwoleka emirimu egoy egenda kubitebya eri Katonda.

Era ne wano kigamba nti emmunyeenye zino omusanvu, oba ababaka omusanvu eri emirembe omusanvu byonna oba bona bali mu mukono Gwe. Y'Abakutte (y'Abawaniridde). Mukimanyi nti bw'Aba nga y'Abawaniridde mu mukono Gwe baba bakwatibwako amaanyi ge. Ago ge makulu g'omukono. Kiraga maanyi ga Katonda! N'obuyinza bwa Katonda. Tewali n'omu ku bo yajja mu maanyi ge na buyinza bwe. Ekyo Pawulo kye yagamba. Tewali muntu yali wa kwannganga. Kyetaagisa obuyinza n'amaanyi ga Katonda. Enjiri ebuulirwa mu buyinza bwa Katonda ne mu maanyi g'Omwoyo. Abasajja bano bona Omwoyo Omutukuvu ye Yabawa amaanyi. Bonna baayimirira eri ensi. Ekyo baali bakisobola. Bonna baali bajjude Katonda. BAATUMIBWA oba baaweebwa obuyinza okuva eri Katonda bo bennyini si be beetuma oba abantu abalala.

Kati baalina ensi kye yali tesobola kubbeera nakyo. Yesu Yagamba nti bw'Aligenda Alitura Omwoyo We ensi gw'etayinza kusembeza. Ekyo kituufu. Ensi, oba enkola z'ensi teziyinza kumusembeza. Bwe kityo bwe kiri ekibiina — nkola ya nsi. Ndaga ekkanisa erimu enkola y'ensi ng'ejjudde Omwoyo Omutukuvu. Njagala njirabeko. Bw'ondaga ekkanisa efaanana bw'etyo oba ozudde ensobi mu Kigambo. Nedda ssebo. Tewali n'omu ku babaka bano yakolera mu ngeri ya kibiina. Ku bibiri, bo be baafuluma nga balumirizibwa olw'enkola y'ebibiina oba si ekyo baagobebwa bugobebwa. Omwoyo Omutukuvu Asobola Atya okubeera mu bibiina ng'ate ebibiina bye bitwala ekifo ky'Omwoyo ate amadiini ne gatwala ekifo ky'Ekgambo? Jjukira, "Ebibiina" kwe "KUFA". Tekiyinza kuba kintu kirala okuggyako ekyo. Ensi bw'ewamba, ng'Omwoyo avaawo.

Yee, Omwoyo si Myoyo musanvu wabula GUMU. Olubeerera wa kuba omu era akole mu ngeri y'emu. Era ababaka omusanvu ba kuba n'Omwoyo gwe gumu bayigirize Ekgambo kye kimu era babeere n'amaanyi ge gamu. Era ekkanisa bw'eba ekkanisa entuufu ya kuba n'Omwoyo, Ekgambo n'ebikolwa eby'amaanyi bye bimu ng'ebyo bye baalina ku Pentekoote. Yakuba n'obumanyirivu bwe bumu ng'obwa Pentekoote era ya kubaamu ennimi, okuzivvuunula, n'obunnabbi n'okuwonya. Katonda Aliba wakati mu yo nga bulijjo bw'Akola. Aleruuya! Era si (ekkanisa) ya KUTEGEKEBWA mu ngeri ya kibiina. Ekyo temukyerabira.

Kati tusobola okulaba nti Yesu Kristo Yeebikkulira mu mirembe ng'Akozesia Omwoyo gwe mu babaka. Balinga Musa bwe yali eri abaana ba Isiraeri. Nga bwe yalina okubikkulirwa eri ennak ze, na buli mubaka yalina okubikkulirwa kwa Katonda n'obuweereza obw'olunaku olwo.

Kale bwe tulaba nti ababaka bali mu mukono Gwe tulaba Mukama nga Yeeraga n'abantu bano era ng'Abawa amaanyi Ge. Tekimala okuba nti Yeegatta n'ekkanisa yonna, nga bwe twalabye ng'Ayimiridde wakati mu bikondo by'ettabaaza omusanvu ebya zaabu. Era wadde tekimala okuba nti twalabye obuweereza obw'emirundi etaano mu Abaefeso 4 (abatume, bannabbi, abayigiriza, ababuulizi, abasumba). Kuba mu buli mulembe ekkanisa ewaba, ate si bagoberezi wabula abakulembeze — abasumba bakyamu wamu n'endiga. Olwo Katonda Yeeraga ng'Omusumba Omukulu mu buweereza bw'abantu omusanvu okukulembera abantu Be baddeyo ku mazima n'amaanyi amangi ennyo agali mu mazima ago.

Katonda mu bantu Be — abantu Be bona, kubanga singa omuntu yenna talina Mwoyo wa Kristo oyo si wuwe. Ate Ye y'Ekgambo. Ekyo kyandibadde kigamba nti kirabibwa mu bantu. Naye Atadde obukulembeze obw'enjawulo mu bantu Be bano be Yeerondera okuyita mu kuteesa Kwe okw'ebyo by'Ayagala bikolebwe. Balabika omulundi gumu mu buli mulembe. Omwoyo y'Omum mu bona. Kino nga kyawufu nnyo ku bukaafiiri bwa Rooma. Balina omuntu owaabwe gwe beerondera — omu bw'avaawo omulala n'addawo — bona tekuli avaamu maanyi ga Katonda — tekuli atambulira mu Kigambo kya Katonda — buli addawo aba mwawufu okuva kw'oyo gw'addidde mu bigere n'ayongerako by'ayagala gy'obeera nti Katonda. Katonda Takiriimu. Wabula ali mu mubaka we era oyo ow'okuba n'obujjuvu bwa Katonda alina okugoberera omubaka ng'omubaka bw'agoberera Mukama ng'ayita mu Kigambo Kye.

"Oyo Alina Emyoyo omusanvu egya Katonda, n'emmunyaenye omusanvu."

Okubikkulirwa 3:1.

Nga Mukama y'omu ono bwe Yeeragira mu muntu, era nate Yeeraga n'omuntu ng'Amuteekamu Omwoyo We. "Bano bantu Bange," bw'Ayogera Mukama. Ababaka omusanvu abajjudde Omwoyo ba Mukama. Bayinza okugaanibwa. Bayinza okubuuusabuusibwa. Ddala, mu magezi ag'abantu n'okulabika bayinza okulabika ng'abatalina bisaanyizo — so ng'ate be babaka b'omulembe gwabwe. Katonda yakozesa Ibulayimu, (eyalimba), Yakozesa Musa (eyajeema) Yona (ataagonda) Samusooni (eyayonoona), Dawudi (eyatemula). Era Yakozesa Yoswa ne Yusufu. N'abo abaalina amabala amabi ennyo mu bungi basingira wala abalabika nti balina ebyafaayo ebitaliiko kamogo. ABO BONNA AB'EDDA N'ABALIWO KATI, BABE. Ekyo tewali asobola kukiwakanya. Yabakoleramu era Yabakozesa n'Omwoyo Omutukuvu gwe Yabateekamu. Eri Mukama waabwe bo bennyini baayimirira oba baagwa. Era mu abo bona enteekateeka ya Katonda ey'oku ntikko yatuukirizibwa. Leka ebyafaayo eby'ebweru bigezeeko kino okukiwakanya, tekivaawo. Katonda Ataggwaawo Akyatambulira mu bikondo by'ettabaaza omusanvu ebya zaabu omusanvu era Atuma ababaka Be ng'Akozesa Omwoyo we n'Ekigambo eri abantu aba buli mulembe.

Okuwemuukirizibwa

Okubikkulirwa 3:1b,

"Mmanyi emirimu gyo nti olina erinnya nti oli mulamu naye oli mufu."

Okubikkulirwa 3:2b,

"Ndabye emirimu gyo nga gituukiridde mu maaso ga Katonda."

Kati wano, ddala, waliwo ekintu ekipya. Emirembe emirala egy'emabega gyonna Omwoyo Asooka n'Awaana abakkiriza abatuufu oluvannyuma n'Ayatukiriza omuzabbibu omukyamu. Naye mu kiseera kino waliwo okusambajja Mukama n'Ekigambo okw'ekiralu okweraga kwokka kale obubaka bwonna eri omulembe guno ogwokutaano gujjudde kunenyezebwaa.

"Manyi emirimu gyo."

Gyali mirimu ki gino egayatuuka mu maaso ga Mukama ne gimuniiza? Kale mumanyi nti buli mulembe gwakwataganako ne gunnaagwo oguddirira n'olw'ekyo ebikolwa by'omulembe ogwokuna tubiraba nga byeyongera mu gwokutaano. Ebikolwa oba emirimu gino nga bwe mubimanyi obulungi byali:

Obukulembeze bw'abantu baabussukulumya ku Omwoyo Omutukuvu.

Ebikwate, enjigiriza, amateeka g'ekkanisa n'ebirala byasuula (byamaamulako) Ekigambo kya Katonda ekitukuvu n'emigaso gyakyo egy'obuwa eri abantu bona.

Okusinza mu Mwoyo, ebirabo by'Omwoyo n'ebyo byonna ebikwata ku kukunngaana okutuufu okw'abatukuvu byasuulibwa ne wazzibwawo okusinza okutakulemberwa Mwoyo, okuvunnamira ebifaananyi, emikolo egy'ekikaafiiri n'ebirala.

Okusaba okuyita mu Biikira Maliya kwali kutwala ekifo kinene okukira ku kusinza okw'Ekikulisitaayo, okutuusa lwe kwatwalira ddala ekifo ky'Obwakatonda, Omwana n'Aggyibwa mu kifo Kye mwe Yali Afugira byonna n'Ateekebwa wansi w'omusajja ayitibwa ppaapa, eyeeyita omusigire wa Kristo.

Abo abaalwanyisa ekkanisa eno omulabe wa Kristo ey'omutawaana baazikirizibwa. Abo abaasigala nayo (ekkanisa) beesanga nga basibiddwa ekkanisa (ekereziya) si nsonga oba baali bakabaka oba banaku. Obulamu bwabwe tebwali bwabwe ku bwabwe, era tebwali bwa Kristo, wabula emibiri gyabwe, emyoyo n'emmeeme byonna byali bya Ekereziya y'e Rooma. Baayogeranga ku musaayi gwa Kristo, naye ng'obulokozi babugula na ssente, era ne bagula n'okusonyiyibwa kw'ebibi nga bakoza zaabu oba penitensiya. Abaali basingako obugagga kyabasanyusa Ppaapa Leo ow'Ekkumi bwe yabakkiriza okugula yindulugensiya olw'ebibi ebyalinga eby'okukolebwa gye bujja mu maaso — kale baleme okulumirizibwa emmeeme nga bategeka okuzza emisango ego era bagende mu maaso okugizza nga bamanyi nti ppaapa yabasonyiwa dda ebyonoono byabwe. Ekigambo kya Katonda kyabali wala nnyo, kale ani yandimanye amazima! Oba amazima gava mu Kigambo kyokka, abantu baggalirwa mu kkomera ly'Ekereziya ya Rooma, nga balinda okufa n'oluvannyuma lw'okufa kulamulwa. Naye omwenzi ow'ekitalo ng'atamidde omusaayi gw'abatukuvu era nga talina kirowoozo kyonna ku by'okusalirwa omusango yecwacwana mu bukambwe atte abantu ng'abatta mu mwoyo ne mu mubiri.

Kumpi ku nkomerero, y'omulembe ogwokuna ogwandibadde entandikwa y'ogwokutaano Constantinople bwe kyalumbibwa Abatuluuki yatuma abayigirize

abakugu b'omu Buvanjuba ne bagenda n'ebiwandiiko byabwe eby'Oluyonaani mu Bugwanjuba. Olwo Obutukuvu bw'Ekigambo n'okuyigiriza kw'abakkiriza abatukuvu byasaasaanyizibwa. Ate era abasomesa bano abalungi tebaali bakulu bukulu kyokka naye n'okuvumbula kw'ekyo ekyafuuka omusingi gw'ebiyuma ebikuba ebitabo eby'omulembe guno kwayongera amaanyi mu kufulumya ebitabo. Kye tuva tulaba nti Bayibuli eyali eyaayaanirwa yasomebwa bangi.

Katonda Yayimusa abantu bangi ab'amaanyi nga mu abo mwe mwali ne Martin Luther. Calvin ne Zwingli baali batutumufu ate ng'oggyeeko abo waliwo abalala bangi abatamanyiddwa nnyo. Wadde bino byonna birina kye byakola, omulimu gwa Katonda ogw'ekitalo gwaziyizibwa abantu bano bennyini. Lwa kintu kimu, TEBAAWAKANYA kufumbiriganwa wakati w'Ekkanisa n'eggwanga ebyakolebwa mu lukiiko Iwe Nikyeya (Nicene Council) wabula baayamba buyambi okwegatta okwo.

Eggwanga okutaasa oba okuzibira Enjiri kyayanirizibwa wadde tewaaliwo Kigambo kya Katonda kiwigira kikolwa ekyo. Era wadde tulaba "obusungu bw'omuntu nga butendereza Katonda", mu bintu ng'ebyo ebyabeerawo ssekabaka Henry ow'omunaana ng'atandika eby'okuddaabulula n'okugaanibwa kw'obuyinza bwa ppaapa, kyali kyawufu nnyo ku mazima ga Pentekoote n'okukuma kwa Katonda Ayinza byonna.

Newankubadde Luther olubeerera yayigirizanga abantu ng'awakanya eky'abantu ab'ebweru okwyingiza mu nsonga z'ekkanisa ey'omu kitundu, teyasobola kutangaaza n'amatiza abantu ku nkola ya gavumenti n'ekkanisa eyeetabiseemu "Abalabirizi" ne ba "Ssaabalabiri." Kale ekkanisa yakola kituufu naye yasigala ekyasibiddwa, bwe kityo waafuluma ekiragiro mu bwangu nate n'asibibwa mu kkomera lye limu olumu lye yagezaako okutolokamu.

Ekikompe ky'ebikolwa eby'emizizo kyali tekinnajjula. Si kuyita mu kulamula okukyamu kwokka Luther mwe yakoleereza olutalo era ne kiviirako n'abantu abangi okufa; naye ekibiina kya Zwingli kyayigganya ddokita Hubmeyer omusajja eyali atya Katonda n'asibibwa, era wadde tekyamusiba ku nti ze baakalirirangako abantu, ddala okusinga ekyo kye kyamuvirako okufa oluvannyuma ng'ayokebwa omuliro. Ne Calvin bye yakola tewaali njawulo kubanga yasaba Servetus awambibwe eyali alabye era n'ayigiriza obumu bw'Obulamba bwa Katonda. Eggwanga olwo ne liwozesha ow'oluganda ono era Calvin kyamukuba encukwe bwe yasibibwa ku nti n'ayokebwa.

Bwe waba nga waali wabaddewo kiseera eky'okufuba kw'ebibiina by'amadiini kino kye kyali ekiseera kyabyo ekizibu. Ebigambo bya Comenius binnyonnyola nnyo ku biro bino. Comenius yafulumya ekiwandiiko kye yateekako omutwe; "EKINTU KIMU EKYETAAGISA." Ensi agigeraageranya ku bukubo obungi obufunda obwasomebwa ne bunyoolebwanyolebwa nga kumpi tekisoboka kufulumamu (labyrinth) era alaga nti engeri yokka ey'okufulumamu omuntu alina kuleka ekiteetaagisa alondewo ekyo ekyetaagisa — Kristo. Omuwendo ogw'ekitalo ogw'abayigiriza, agamba nti kye kireeta okuba nti waliwo ebibiina bingi, era mu bbanga si ddene tujja kuba nga tetukyalina mannya ga kubituma. Buli kkanisa yeebala okuba nti y'entuufu oba nti y'esinga obutukuvu ate nga mu bokka na bokka buli omu ayigganya munne n'obukyayi obuyitirivu. Tewali ssuubi lyonna abantu abo okuddinngana; obulabe bukuubagana n'obulabe obutayinza kutabagana.

Mu Bayibuli baggyamu ebintu ne beetonderawo enzikiriza; bino bye bigo era ebiddukiro byabwe mwe beekweka ne balwanyisa obulumbaganyi bwonna. Sijja kugamba nti okwatula kuno kwa kukkiriza — kubanga tuyinza okukkiriza nti emirundi egisinga obungi bwe kiri — bangi mu bo. Bafuuka ekyo, ate bongeramu amaanyi mu muliro gw'obulabe; okuggyibwawo kwabwe bonna kye kyokka ekiyinza okutandisa omulimu gw'okuwonya ebiwundu by'ekkanisa. "Mu muvuyo (labyrinth) gw'ebibiina guno mwe muli n'ekintu ekirala; okuwakula entalo." ... "Tufunamu ki? Waliwo lutalo ki mu zimanyiddwa olwali lugonjoose? Tewali. Zeeyongedde bweyongezi.

Setaani mu nsi muno y'asingayo okubuzaabuza; tasingibwangako mu ntalo za bigambo." "Mu kuweereza okutukuvu ebigambo by'abantu bulijo biwulikika okusinga Ekigambo kya Katonda. Buli omu yeeyogerera nga bw'ayagala, ova amala ebiseera mu kusoma ova okuwuliriza n'okuwakanya endowooza z'abalala. Ku kuzaalibwa omulundi ogwokubiri engeri omuntu gy'ateekwa okukyukamu afaanane Kristo afuuke ekitundu ku Butonde Obutukuvu (2 Peetero 1:4), ebyo byo tebyoyerwako nnyo. Ku maanyi g'ebisumuluzo, Ekklesia kumpi eweddemu amaanyi agasiba esigazza gasumulula gokka. " ... "Amasaakalametu agassibwawo ng'akabonero akaleeta okwegatta, okwagalana, n'obulamu bwaffe mu Kristo bifuliddwa obukuubagano obw'ekitalo, kanaaluzaala

w'obukyayi, ensibuko y'okwewayawulayawula." ...

"Mu bimpimpi Obukulisitaayo bufuuse ekyambika ekizibu okwetakkuluzaamu (labyrinth). Okukkiriza kusaliddwamu obutundutundu lukumi era obalibwa ng'omukaafiiri bw'oba olina akamu ku butundu obwo k'otakkiriza." ... "Kiki ekisobola okuyamba? Ekintu kimu ekyetaagisa, kuddayo eri Kristo, kutunuulira Kristo ng'Omukulembeze yekka, n'okumugoberera, amakubo amalala gonna gateekebwe ku bbali okutuusa Iwe tulituuka ku kigendererwa tujje ku kwegatta kw'okukkiriza (Abaefeso 4:13). Mukama Ow'omu ggulu nga bwe Yazimba ebintu byonna ku musingi gw'Ebyawandiikibwa bwe tutyo naffe tuleke okwatula kwaffe okw'enjawulo tumatire n'Ekigambo kya Katonda ekyabikkulwa ekyaffe ffenna. Nga tukutte Bayibuli zaffe tusaanye twogerere waggulu; Nzirkiriza ekyo Katonda ky'Abikkudde mu Kitabo kino; Nja kugondera ebiragi Bye; Nsuubira ekyo ky'Asuubizza. Abakulisitaayo, muwulirize! Waliwo obulamu bumu, naye Okufa kujja gye tuli mu ngeri za mirundi lukumi. Waliwo Kristo omu yekka, naye abalabe Be (Antichrists) lukumi." ... Kale mumanyi mmwe Abakulisitaayo kintu ki ekimu ekyetaagisa. Ku bibiri kudda eri Kristo oba si ekyo kugenda mu kuzikirira okufaanananako ng'omulabe wa Kristo. Bw'oba oli mugezi era ng'onooba omulamu, goberera Omukulembeze w'obulamu.

"Naye mmwe, Abakulisitaayo, musanyuke mu kusitulibwa kwammwe." ... "Muwulire ebigambo by'Omukulembeze wammwe ow'omu Ggulu, 'Mujje gye Ndi.'" ... "Muddeemu n'eddoboozi limu, 'Naffe bwe tutyo, tujja.'"

Kati nngambye nti ebintu bino byayongera nnyo amaanyi mu kukula ky'omwoyo gw'ekinnaddiini. Endowooza y'Abakkolinso eya "Ndi wa Pawulo, Ndi wa Keefa" bukya ebaawo leero eri luno. Waaliwo aba Luther, aba Hussites aba Zwingli n'abalala. Okukutulakutula mu Mubiri okw'engeri eyo kyali kya nsonyi era ekiswaza. Baalina erinnya ery'obulamu naye nga bafu. Ddala mu butuufu baali bafu. Baafa mu kaseera we beegattira. Ebibiina eby'ekitalo byagunjibwaho ne bifumbiriganwa n'eggwanga. Ekyo kye kyaleeta entabwe. Olwo baali bawedde. Baabano wano ate abagoberezi ba Luther abaavumirira Ekereziya y'e Rooma. Baamanya obutali butuukirivu obuva mu kutabaganya eby'obufuzi n'ebi'omwoyo — ate nga Luther (nga Peetero aba Yuda bwe baamusinga) yaddiru eggwanga mu kifo kya Katonda ne liba nga lye likuma (okuzibira) okukkiriza. Kino ky'ekibiina ekitutumufu ekyasooka okufuluma mu mwenzi, naye Luther olwafa mangu ago ne kiddayo mu madaala g'enfuga (enzirukanya) y'ekkanisa nga ddala eyo gye kyalwanyisa okusooka. Omulimu gwa Katonda guno, ekiseera omulembe ogwokubiri we gwajjira gwali guzzeeyo mu nkawa za nnyina waagwo. Yali azzeeyo ate nga takimanyi. Baali batutte erinnya eryabwe mu kifo ky'erya Katonda. Era nabo, baali batambulira mu linnya eryabwe.

N'amadiini gonna leero gali ku kintu kye kimu ekyo. Obulamu bwabwe buli mu linnya lyabwe, so si mu Linnya erya Mukama Yesu Kristo. Ekyo kyangu okulaba kubanga buli kkanisa emanyibwa okusinziira ku ngeri gy'esinzaamu naye tewali emanyibwa kusinziira ku maanyi ga Katonda. Ekiegezo kyo kiikyo. Era njagala wano mulabe nti ebiro bino tebyalimu bubonero na byamagero. Baawaanyisa obuyinza bwa Katonda ne batwalamu obw'eggwanga. Beerippa ku linnya ryabwe; baagulumiza amannya gaabwe. Gwali mwoyo ogwo omukadde ogw'okuyingiza buli muntu mu kisibo kyagwo. Leero Ababaptist baagala Abamethodist bajje ewaabwe. Abamethodist bali ku gwa kusendasenda Bapresbyterian. Abentekoote bo beetaaga bona badde gye bali. Buli bamu bagamba mbu be bajja okuvaamu essuubi erisinga — engeri y'oluggi olw'okuyingira mu ggulu, oba waakiri ekkubo eriyinza okutuusa omuntu awasinga obulungi okuyingirirwa. Kino nga kyennyyamiza.

Omwovo guno ogw'ekibiina ky'eddiini guleetedde amadiini gonna okwewandiikira ebitabo n'okusomesa ebikwate byago, okweteerawo ziwoofiisi ne gavumenti z'amakanisa olwo buli ddiini n'eryoka egamba nti ye yokka, eyogerera Katonda okuva Iw'erina ebisaanyizo ebisingayo. Kati kale ddala oba ekyo ppaapa ne Ekereziya y'e Rooma si ky'ekola! Baddiddeyo ddala ne nnyaabwe, omwenzi, ate nga tebakimanyi.

Nga tumaliriza bye twogera ebitonotonu ku lunyiriri luno, "olina erinnya ery'okuba omulamu era oli mufu," Siyinza kubasikiriza nnyo kiyitiridde nti omulembe guno, weewaawo wadde gwaleeta okuddaabulula, Katonda gwe yasinga okunenya mu kifo ky'okuwaanibwa, kubanga GWASIGA ENSIGO Y'EKINNADDIINI EYATEGEKA ENKOLA EYAGIZZAAZO ERI OMWENZI, nga Katonda Amaze okuggulawo oluggi Iw'okuddukamu (okutolokamu). Okwawukana ku Ekereziya Enkatolika nga kumaze okubaawo, kwonna tekwabeerera ddala kwa Mwoyo, wabula okusinga kwali kwa bya bufuzi. Abantu abaasinga obungi beegatta ku Bapulotesitanti kubanga nga bwe nngambye, baakyawa

enkola y'Abaruumi ey'ebiyobufuzi n'obusibe mu ssente. Kale, bwe kityo, guno mu kifo ky'okuba omulimu ogw'Ekitalo mu Mwoyo n'obubonero bwonna obw'Omwoyo Omutukuvu nga Katonda bwe Yakozesa enkola ey'Omwoyo yokka okutuukiriza by'Ayagala ku Pentekoote, ddala gwali mulimu ESSUNGU LY'OMUNTU MWE LYATENDEREREZA KATONDA, n'ebiyavaamu byafaanana ebyafaayo by'Abayisiraeri nga bwe baava mu Misiri ne babulubuutira mu ddungu ne batatuuka mu nsi ye Kanani. Weewaawo byali bwe bityo, naye ate bingi ebyatuukiriziba okuba nti ekikoligo kya Rooma kyamenyebwako, olwo kati abantu baali basobola okufuna Ekigambo kya Katonda ne bagondera Omwoyo awatali kutya nga bwe gwali okusooka. Kino kyaggulawo omulyango eri omulembe ogw'ekitalo ogwaddako ogw'obuminsane.

Yezeberi w'e Suwatira yali takyasobola mu buli ngeri kuta (kusumulula) bantu, kale n'okulaba tulaba muwala we Asaliya ng'ayimusa omutwe gwe mu mulembe gwa Saadi ng'asuubira nti yali wa kusobola okutuga ensigo (ezzadde) entuufu nga yeeyambisa enkola ze ez'ebibiina.

Okulabula

Okubikkulirwa 3:2,

"Tunula, onyweze ebisigaddeyo, ebyali bigenda okufa: kubanga ssaalaba ku bikolwa byo ekyatuukirira mu maaso ga Katonda."

Nze ku Iwange nga bwe ndowooza, Omulembe gwa Saadi gwandyogeddwako ng'ogw'okuzzibwawo so si ogw'okuddaabulula. Siyinza kugamba bwe nt yo. Ekigambo tekiguyita gwa kuzzibwawo, wabula kiguyita gwa kuddaabulula. Singa kwali kuzzibwawo, omulembe ogwo gwalibadde mulembe mulala ogwa Pentekoote. Naye tegwali. Ekisingako ekyandyogeddwu ku gwo, "Nyweza ebyo ebisigaddeyo, ebigenda okufa." Waali wabulawo ekintu. Owange, ddala, mu butuufu bwe kyali. Omulembe guno gwalimu okuggyibwako omusango, naye gwali tegufunye oba tegwategeera kutukuzibwa na kubatizibwa kwa Mwoyo Mutukuvu. Eyo ye yali enteekateeka ya Katonda okusookera ddala. Ekyo ku Iwa Pentekoote kye kyaliwo. Baggyibwako omusango, baatukuzibwa ne bajjuzibwa n'Omwoyo Omutukuvu. Lwaki, mumpulirize, ekigendererwa okuggyibwako omusango n'okutukuzibwa kiri nti olyoke obatizibwe n'Omwoyo Omutukuvu.

Eyo y'ensonga Iwaki waliwo ekklesia. Ye Yeekaalu ya Katonda ng'ejjude Katonda, era Omwoyo Omutukuvu. Omwoyo y'omu Eyali mu Yesu ng'Akyali ku nsi wano, ng'Amukozesa emirimu eg'yamaanyi gye Yakola gyakomawo ku kkanisa ku Pentekoote balyoke bakole emirimu gye Yakola. Emirimu gino tegyasangibwako mu mulembe guno. Oh, baalina Ekigambo ekiwandiike, (naye si Ekigambo ekibikkule). Kino kye kyali ekiseera ky'okuddaabulula. Naye temutya ekisibo ekitono, Katonda Yagamba, "Era Ndibaddiza," era okuddaabulula kuno ye yali egenda okuba entandikwa. Yali Agenda (okusinziira ku kisuubizo Kye) kuggyayo ekklesia okuva mu buziba bwa setaani mu mirembe gy'ekizikiza etwalibwe mu buziba bwa Katonda bwe baalina ku lunaku Iwa Pentekoote ne mu myaka emitono eg'ekklesia egyasooka.

Kati mugenderere, kino mukikwate. Mu lunyiriri luno olwokubiri Iwe nnasomye kigamba "Kubanga ssaalaba ku bikolwa byo ekyatuukirira mu maaso ga Katonda Wange." Mumanyi amakulu g'ebigambo bino "obutatuukirira"? Bitegeeza okuba nti ekintu "kikyabulako". Omulembe guno gwali gukyabulako. Yali ntandikwa ya kuddayo. Eyo y'ensonga Iwaki nnagambye nti Bayibuli yaguyita kuddaabulula — si kuzzibwawo. Gwatandikira mu njigiriza y'okuggyibwako omusango amakulu nti obulokozi bwonna bwawa wa Katonda. Oh, Luther nga yabuulira obuyinza bwa Katonda obw'oku ntikko n'okulondebwa. Yamanya nti byonna byali bya kisa. Ekklesia yagyawula ku bufuzi ng'akozesa amadaala g'obuyinza bw'omu kkanisa. Yamenya ebifaananyi n'abisuula. Okwejjusa yakusuulira bakabona. Yawemuukiriza Ppaapa. We yatandikira byali birungi nnyo ebyewuunyisa naye emyaka 1500 emabegako Katonda Yali Agambye, "Luther ogenda kutandika ebintu wabula mu mulembe gwo si mwe birituukiririra, ekyo kyo kiribeera kya luvannyuma." Aleruuuya, Katonda waffe Afuga! Amayi enkomerero okuva ku ntandikwa. Ddala, Luther yali mubaka we. Tekyafaanana bwe kityo, nga bwe twekenneensa ensobi. Naye waaliwo omusajja eyali ayitibwa Yona, yalina ensobi mu bulamu bwe naye. Yali nnabbi wadde gwe nange tetwandyagadde kukyatula okusinziira ku ngeri gye yeeyisaamu. Naye Katonda Amayi ababe era Alina enkola ezize nga bwe Yakola ku Yona. Yalina engeri Ye mu Luther mu mulembe ogwo era Agenda kuba n'enegeri Ye okutuuka ku nkomerero.

Guno gwali mulembe ogwali gukyabulako. Gwali mulembe gwa kuddaabulula. Naye

eyo y'engeri Katonda gye Yayagala gube. Njagala mbakubire ekifaananyi okubalaga ekyo nga bwe nnakolera ow'oluganda omu ow'omu Baluther akulira seminaaliyo ennungi ennyo mu Bugwanjuba. Nnayitibwa okugenda ewuwe ku kyeggulo njogere naye ku bikwata ku Mwoyo Omutukuvu. Yasoberwa ku bintu bingi n'anngamba, "Ffe aba Luther kiki kye tulina?"

"Nnamuddamu, "Kwo okuba, mulina Kristo."

N'agamba, "Twagala Omwoyo Omutukuvu. Olowooza tumulina?"

Ko nze, "Mulina munda mu mmwe ekibasobozesa okukkiriza okumufuna."

N'ambuuza, "Kiki ky'otegeeza okugamba nti mulina 'amaanyi mu mmwe agabasobozesa okumufuna'? Tuyaayaanira okufuna Katonda. Twasoma ekitabo ku bya Pentekoote n'ebirabo by'Omwoyo, kale abamu ku ffe twabuuka ne tugenda mu California okulaba omuwandiisi w'ekitabo ekyo. Bwe twatuuka eyo yatugamba nti wadde yawandiika ekitabo naye teyalina birabo. Kati bwe twalaba ebirabo nga bikolera (byolesebwa) mu buweereza bwo ne twagala twogere naawe, kubanga oteekwa okuba ng'olina ky'obimanyiiko."

Seminaaliyo y'Owooluganda ono eri eyo mu kyalo yeetooloddwa yiika z'ettaka nnyingi okuli ffaamu abasomi kwe basabolera okukola ne beesasulira ebisale by'essomero. Alina n'amakolero agali awamu ne ffaamu okusobola okufunisa abantu emirimu. Kale nga nneeyambisa ebintu bye ebyo okumuwa ekifaananyi ky'ekyo kye nnali nnyinnyonnyola nnagamba, "Waaliwo omusajja eyatandika okulima ku ttaka lye kasooli. Yakuulamu enkonge, n'aggyamu enjazi, n'akabala era n'ayanjala olwo n'asimba kasooli we. Buli nkya yatunuuliranga ennimiro; naye lumu enkya mu kifo ky'ettaka eryereere yalaba obufukunya bw'emitunsi nga buvaayo. N'agamba, "Katonda Yeebale olw'ennimiro yange eya kasooli." Ne mmubuuza, "Omusajja yalina kasooli?"

N'addamu, nti, mu ngeri emu yamulina."

Ne mmugamba, "Yalina ekyali kimusobozesa okumufuna, yee; era ekyo yali mmwe Abaluther mu kuddaabulula, nga mutandika okuleeta omutunsi gwammwe, okiraba? Kasooli yatandika okumera. (Ng'amaze okuvundira mu ttaka mu Mirembe gy'enzikiza). Ng'awezessa ennyingo entonotono yagejjesa enduli, lumu n'aweka. Obubooya bwatunuulira amakoola ne bugamba "Mmwe Abaluther — abakadde omutali kantu. Mutulabe ffe, ffe tuzaala, abaminsani ab'ekitalo. Olunaku olwaffe Iwe Iwo olw'ebi'obuminsani." Omulembe gw'obubooya gwe gwo ogwali ogwa Wesley. Be baasingira ddala okukola omulimu gw'obuminsani era baatusinga ne mu guno ogwaffe. Omulembe ogwo gwakola ki? Gwasaasaana ng'empumbu mu mpewo.

"Kati ddaala ki eriddirira? Mu butuufu tulowooza nti eyo y'entonda n'amakungula g'ensigo — enkulungo yonna okuggwaayo. Naye si bwe kiri. Waliyo eddaala eddala. Eddaala eryo liggyawo ekikuta bwe kitondebwa okubikka ensigo. Era ekyo kyennyini kye kyaliwo ne mu nkulungo y'ebi'Omwoyo. Ku nkomerero y'ekyasa ky'abiri, ku ntandikwa y'Omulembe gwa Lawodikiya, waaliwo endowooza eyasaasaana ennyo nti Omwoyo Omutukuvu Yali Akkira ddala mu ngeri y'emu nga bwe Yakka ku lunaku lwa Pentekoote. Abantu baayogera mu nnimi nga bagamba mbu baali babatiziddwa mu Mwoyo Omutukuvu n'obukakafu bw'okwogera mu nnimi. Naye ntambudde mu masamba g'ensigo z'enngaano emirundi mingi era ng'ekyeya kiggwaako nnazinoga ne nzikunyiza mu ngalo zange okufuna ku nsigo, naye ekyanneeuunyisa bwe BUTABAAMU NSIGO YA NNGAANO YONNA MU BIKUTA EBYO, WADDE BYALABIKIRA DDALA NG'OMWALI. Kino kifaananyi kyennyini ekiraga enkola eyo eyitibwa mbu ya ki Pentekoote. Era okuba nti buno bwe bukakafu bwennyini kisangibwa nti abantu bano BEEKOLERA ENJIGIRIZA ne beesibira emabega ng'ekibiina ekyaddirira mu maaso bwe kyakola, nga kino kiraga nti mu kifo ky'okubeera ensigo yennyini, baali bisusunku oba bikuta ebyali eby'okubeeramu enngaano eyali ejja. Eddaala lino ery'ebikuta (ery'ebisusunku) by'ebiseera eby'akabenje Yesu bye Yayogerako mu Matayo 24:24, 'kiririmba abalonde singa kyali kisoboka.' Oh, omuntu yalowooza nti ebikuta bino, ebitwalibwa okuba omulembe gwa Pentekoote ye yali ensigo entuufu. Naye byakakasibwa okuba nti byali birina kutereka buteresi bulamu butwalibwe mu mulembe ogw'okuzzibwawo okutuufu mwe kujira n'Omugole (nga y'Enngaano) ayolesebwe mu maanyi agoogerebwako

mu Ezekyeri 47:2-5,

"Awo n'anfulumiza mu kkubo ery'omulyango obukiika obwa kkono, n'antwala n'annetoolooza mu kkubo ery'ebweru okutuuka ku mulyango ogw'ebweru mu kkubo er'omulyango ogutunuulira ebuvanjuba; era, laba, amazzi nga gakulukutira ku luuyi

olwa ddyo.

Omusaja bwe yavaamu ng'agenda ebuvanjuba ng'akutte omugwa mu mukono gwe, n'agera emikono lukumi, n'ampisa mu mazzi, amazzi agakoma mu bukongovvule.

Nate n'agera lukumi, n'ampisa mu mazzi, amazzi agakoma mu maviivi. Nate n'agera lukumi n'ampisa mu amazzi agakoma mu kiwato.

Oluvannyuma n'agera lukumi; ne guba mugga gwe ssaayinza kusomoka: kubanga amazzi gaali gatumbidde, amazzi ag'okuwugirira, omugga ogutayinza kusomokeka."

"N'engeri gye kyakolebwamu yali nteekateeka ya Katonda etuukiridde. Abaluther baalina Omwoyo Omutukuvu nga tannayolesebwa, wansi w'okuggyibwako omusango; Abamethodist baamulina nga tannayolesebwa wansi w'okutukuzibwa ne leero Akomyewo, olw'okuzzibwawo — Omwoyo Omutukuvu Ali wano."

"Tunula, onyweze ebrisigaddeyo ebyali bigenda okufa."

Kati ebintu ebyoyerwako mu bigambo ebibiri "okutunula" ne "okunyweza" bye bino. Okutunula nga weerinda oba nga weekuuma tekitegeeza buteebaka kyokka, naye n'okubeera ku bunkenke. Bwe kitaba ekkyo ekivaamu kabende na kufiirwa. Okunyweza kitegeeza kwongera kukwatira ddala, kitegeeza okusimba oba okuteekawo eky'olubeerera. Ebiragiro bino ebibiri byogera ku MAZIMA agaali gasigaddewo agaali gagenda okujja. Ennyinnyonnyola eno ey'Omwoyo enzijira ng'ekifananyi mu maaso gange. Ekibiina ky'abaddu abasibiddwa mu mubiri ne mu mpisa kiymuse ne kitoloka ku bawambi baakyo (ddala ago ge makulu ga Saadi; Kitegeeza abaatoloka). Balondoolwa era amagoba gaabwe ag'ekitiibwa era ag'ekitalo gonna gabafudde. Tebazzibwangayo, naye ekiyinza okuboogerwako kiri kimu nti babombye — si kutolokera ddala ng'abamu bwe baali okusinziira ku Kigambo. Baali baggyiddwako eddembe lyabwe erisinga obungi.

Kati Mukama Agamba, "Kyenkana muli mu muwambe ; mulabe nti temuddayo. Okwewala okuddayo mubeere ku bunkenke n'okusigala nga mwekuuma ebintu ebikwata ku buwambe bwammwe oba si ekkyo mujja kubifiirwa byonna. Kaakano mwenywerezee ddala mu ebyo bye mulese mu ngeri ey'okuba nti musobola okunywereza ddala ebyo bye mulina bwe mutyo mukakase nga gye bujja temufiirwa. Guno gwe gujja okuba omukisa gwammwe okutuukiriza bye mutatuukirizza." Naye baagenda mu maaso? Nedda ssebo. Tebaagondera ddoboozi ly'Omwoyo Omutukuvu era omulembe omulala ne guwambibwa kale Katonda n'Ayimusa abalala bagende mu maaso n'entegeka Ye. Katonda eddiini y'Abaluther yagiyitako nga bwe Yakola endala zonna, era tebagenda kukomawo. Katonda Yalina okweyongerayo mu mulembe omupya Ayongere amazima n'okwongera okuzzaawo.

Okulamula

Okubikkulirwa 3:3,

"Kale jjukira bwe waweebwa ne bwe wawulira; okwate, weenenye. Kale bw'otalitunula Ndija ng'omubbi, so tolimanya ssaawa gye Ndijiiramu gy'oli."

Njagala nsome Bayibuli endala eyavvuunulwa Wuest. Olunyiriri luno lugamba nti,

"Mube nga mujjukira n'olw'ekkyo, engeri gye mufunyeemu (amazima nga kye ky'okuyimirirako oba okusinziirwako olubeerera) era n'engeri gye (mugawuliddemu) mube nga (mugakuuma), era mukyusize ddala omulundi gumu emitima."

Kyeragira ddala okuva mu lunyiriri luno nti Katonda Yali Abawadde amazima ng'ekintu ekiterekeddwa eky'olubeerera. Gaafunibwa era gaabwe ekitayinza kukyusibwa. Kati ekisigadde kwe kulaba kye banaagakozesa, oba banaagateekako omwoyo oba nedda. Era ekkyo bwe kiri. Baali bawereedwa omusingi gw'amazima g'Enjiri yonna, "Abatukuvu banaabanga balamu lwa kukkiriza" "Obulokozi bwa Mukama." Baali bawulidde amazima ga Bayibuli agaasuula enjigiriza za Rooma ne gazikiriza obuyinza bwonna obwa ppaapa. Baamanya amazima nti ekkanisa (Ekereziya) terokola. Baategeera ekyeggulo kya Mukama. Baatangaazibwa ku by'okubatizibwa mu mazzi. Ebifaananyi baabifulumya. Amazima? Lwaki lwa kuba tewabangawo mulembe gusinga guno bantu bangi abaalina omusana okumulisa. Baalina okumulisia okumala okujjulula enkola enkadde okugiddaabiriza ezzibwe buggyo oba okutandika obupya Katonda Abakulembere lunyiriri ku lunyiriri n'ekiragiro ku kiragiro. Baafuna amazima. Baagaagala era ne bagafuna.

Naye ekyebuuuibwa kyalu nti baagawulira batya? Baagawulira kugazimbako oba baalina endowooza y'emu Abayonaani gye baalina — ekintu eky'okukubaganyaako ebirowoozo kifuulibwemu etteeka (ennono)? Kirabikira ddala nti Ekigambo eky'amazima ekigagga kyalu kiwulirwa mu ngeri y'amagezi ag'obwongo so si okuteekebwa mu nkola,

kuba Katonda Yali Ayagala abantu kibakyuse emitima n'endowooza. Bwe kiba nga kino kye Kigambo kya Katonda ate nga ddala bwe gulii, olwo kiba kiteekwa okugonderwa. Okukijeemera kuleeta kusalirwa musango. Abakuumi ba yeekaalu entukuvu bwe baasangibwa nga beebase, baakubibwa n'ebiyambalo byabwe ne byokebwa. Mukama Anaakola ki ku abo ab'omu mulembe guno abaddiridde mu kukuma kwabwe?

"Ndijja ng'omubbii."

Saadi eky'edda abazigu baakizindanga entakera abaviiranga ddala ku nsozi ne banyagulula abantu. Kale baamanyira ddala ki Omwoyo kye Yali Ategeeza nti okujja kwa Mukama kwali kwa kuba nga mubbii. Okwekuuma n'okwetegeka byokka bijja kutumala okwetegekera okujja Kwe. Kati tukimanyi nti buno obubaka bwa muzabbibu omukyamu, kubanga okujja kwa Mukama kuliba nga bwe kwali mu biro bya Nuuwa. Omunaana abaalokolebwa baamanya bulungi amataba agaali gabindabinda kale nga bwe baategeera, beeteggeka ne balokoka. Naye ensi y'abatatyaa Katonda yasaanawo. Wadde baali batabagana n'abatukuvu era ne bawulira amazima, baagasambajja okutuuka obudde bwe bwabayitako. Abantu abo ab'omubiri omwerefere mu ngeri eyo ey'edda enkadde leero ky'ekifaananyi ky'abayitibwa obuyitibwa Abakulisitaayo abalina obulamu obujjudde ebintu eby'ensi, mwe basanyukira ne batuuka n'okuba nti tebeegomba bya Mwoyo, tebamanyi wadde okwetegekera okulabika Kwe.

Okuwaanibwa

Okubikkulirwa 3:4,

"Naye olina amannya matono mu Saadi agataayonoona ngoye zaabwe: era balitambula Nange mu ngoye enjeru kubanga basaanidde."

Kyeraga kyokka nti ekigambo "amannya" kitegeesa "bantu" nga bwe kigamba mu Bikolwa 1:15 ku abo abaali mu kisenge ekya waggulu, ("ekibiina ky'abantu abaakunngana kyali 120"). Naye ku lwange kisingako okutwala abantu ng'ekikulu; kiggyayo amazima ago agaatandika mu buli mulembe Mukama waffe ge Yayogera gye tuli ng'Aggumiza. Ge gano: enkola y'ekkanisa ey'emirembe gino erimu emizabbibu ebiri, ogw'amazima n'ogw'obulimba. Katonda mu kigendererwa Kye eky'oku ntikko gyombi agitadde wamu, ogw'amazima n'ogw'obulimba nga giyitibwa ekkanisa.

Laba mu mulembe guno nga bw'Abananya ng'Agamba, "eri ekkanisa esangibwa" — si "makanisa agali" mu Saadi — naye agagasse wamu — "ekkanisa eri mu" . . . "Mmanyi emirimu gyo" . . . "oli mufu" . . . "emirimu gyo gibulako." Olwo n'Agenda mu maaso — "Olina (ekkanisa eno mu Saadi) abantu batono mu ggwe abatuufu abatali bakyamu okufaanana ng'abasinga obungi. Bano batambulira mu byambalo ebiyonjo era bansaanidde." Kati abantu bano abaali abatukuvu ba Katonda ab'amazima baali batambula "nga bona basanyusa Mukama." Ebyambalo byabwe byali biyonjo. Mulaba ennaku ezo engoye zaayeranga amakubo ne zijamawala ne zoonooneka. Bano baali beegendereza engeri gye baatambulangamu beewale obutayonoonebwa nsi. Baali mu Mwoyo era baali batambulira mu Mwoyo. Baali batukuvu era nga mu maaso Ge tebaliko kamogo. N'olw'ekyo baali batuukiriza ekigendererwa kyabwe kubanga ekyo ABAEFESO 1: 4 bwe kigamba "nti tube butukuvu abatalina kabi mu maaso Ge."

Kati okuva ku lunyiriri luno olulaga abalonde ba Katonda okuba "Ab'amannya amatono," osobola bulungi okulaba kye tubadde tuyigiriza ku by'omulembe guno. Gwali gwa muvuyo. TEGWATUUKIRIRA. Gwalimu engeri nnyingi ezaawuddwayawuddwa, era Katonda kyenkana gwonna Yagunenya. Gwali munafu, mulwadde era ogwali okumpi okufa. Si gwe gwali ebiseera eby'ekitiibwa ng'Abapulotesitanti b'ebayaayo ab'omubiri bwe bagezezzaako okukifuula. Okugukubako eriiso omulundi ogumu gwokka nga gujjudde amabwa, nga tekuli makoola wadde ebibala okuggyako obubala obugongobavu omwali ebiwuka obwagwanga buli kaseera ku ttaka. Naye sooka olindeko katono! Weetegereze. Eyo ku ntikko, mu musana, waalingawo "ebibala ebyasooka" — Amannya amatono" — abaali batuukiride mu Ye kubanga baazaalibwa Ye, bajjuzibwa Ye era nga batambula naye ng'Ekgambo Kye kye kibatambuza.

Katonda yeebazibwe "olw'abatono abo."

"Era balitambula Nange."

Ekyo Katonda ky'Agamba ky'Alibateekako olw'okutambula kuno okutuufu. Ekyo kitundu ku busika bwabwe ky'Abaterekedde. Singa baali beetegefu okutambula naye okuyita mu kukakaalukana n'ebiyambika by'omu bulamu buno babe ekitiibwa gy'Ali, yali Agenda kubawa empeera. Teyeerabira mirimu gyaffe egy'okwagala. Bulijo Katonda

Atusasula olw'okufuba kwaffe okumusanyusa.

Ddala, baali bayise mu nsi nga tebagiriddeeko. Tebakkiriza kuwangulwa nkola za nsi. Amannya agalaga ekifaananyi ky'omulembe ogwo bwe gaawangulwa okuwaanibwawaanibwa n'okusutibwasuutibwa eggwanga ne balondawo okulowooleza mu by'obufuzi mu kifo ky'okulowooleza mu by'Omwoyo era olwo awo baali mu kkubo eribazzaayo mu nsi, abatono bano bo baayimirira olw'Ekigambo kya Katonda bwe batyo ne bawa Mukama ekitiibwa. Kali Ye yali wa kubaweesa ekitiibwa ng'Abasasula kubanga balitambula naye mu byeru. Tebaamwegaana ku nsi kale kati si wa kubeegaana mu Yerusaalemi ekiggya. So nga kuliba kwa kitalo okubalirwa okwo awamu naye! Kindeetera essanyu ate ne kinkaabya bwe ndowooza ku kwetoowaza Kwe, kubanga langi y'ebiyambalo by'Alimu si njawufu ku y'abatukuvu, ng'abakulembeze b'ensi; bwe bandikoze. Nedda, balinga Ye; Alinga bo. Era nga ne Yokaana bwe yagamba; kubanga "bamulaba nga bw'Ali."

"Kubanga basaanidde." Ayogera kino mumutegeera? Ye Yesu, Oyo Asaanidde, Ye Yennyini. Ono ye Yekka Asaanidde okuggya ekitabo mu mukono gw'Oyo Atudde ku nnamulondo. Era kati Ono Asaanidde Ayogera eri abatukuvu Be, "Musaanidde." Wuuno wano, Omu yekka Alina ebisaanyizo okulamula, (era ddala n'okulamula kwonna kuweereddwa Ye,) era Agamba "Musaanidde."

Ebigambo bino byewuunyisa okufaanana ng'ebiri mu Baruumi 8:33b,

"Katonda Agamba Ndi mutuukirivu."

(Bayibuli eyavvuunulwa Way.) Awo mu musana gw'obutuukirivu bwa Katonda, wulira eddoboozi lya Yesu eriwoomu ng'Agamba, "Bano Bange. Batuukirivu. Basaanidde. Bajja kutambula nange mu byeru."

Ekisuubizo Eri Omuwanguzi

Okubikkulirwa 3:5,

"Oyo awangula alyambazibwa engoye enjeru; so sirisangula n'akatono linnya lye mu Kitabo ky'Obulamu ndyatula erinnya lye mu maaso ga Kitange ne bamalayika Be."

"Oyo awangula, alyambazibwa engoye enjeru."

Ddala kino kiddibwamu buddibwa nga bwe kiri mu lunyiriri olwokuna, nga kyogera ku batono abataayonoona byambalo byabwe. Emysaka giyiseewo twalinanga enjogera awatali kubuusabuusa eyaggyibwa mu lunyiriri luno. Yali, "Temuddugaza sikaati zammwe." Kyategeezanga: teweetaba mu bintu ebibuuusbawabuusibwa; abalala bandyetabamu naawe n'okemebwa okwetabamu, ova omuntu ayinza n'okubikuyingizaamu; naye ggwe byewale ng'okwata ekkubo eddala. Kati Katonda Agenda kuwa empeera abo abagoberera okubuulirira kuno. Bagenda kwambazinwa byeru nga Ye bw'Ayambadde ebyeru. Peetero, Yokaana ne Yakobo ku lusozi olw'okuwaanyisibwa baamulaba, n'engoye Ze zaali njeru ng'omusana. Bwe batyo abatukuvu bwe balyambazibwa. Ebyambalo byabwe bigenda kuba nga bimasamasa okuyitirira.

Mumanyi tuli mu kiseera ekivannyuma. Mu mulembe guno amakanisa mwe gajja okwegattira. Era nga n'ebi'obufuzi bw'ensi bwe biri mu mikono gyabwe kati, mangu n'ebiensimbi z'ensi nabyo bijja kuba mu buyinza bwabwe. Olwo bw'oba nga toli mu kibiina kya nsi yonna eky'amakanisa, togenda kusobola kugula ova kutunda. Ogenda kufiirwa byonna. Abo abasigala nga beesigwa eri Katonda ne bakuma ebyambalo byabwe ne batayonoonebwa 'nkola ya nsi' eno ey'amateeka g'ekkanisa tebagenda kusigaza kintu kyonna. Bagenda kusendebwasendebwa n'amaanyi bawanike. Ababuulizi bagenda kuwangulwa bayingire nga beekwasa mbu Katonda bagenda kumuweererezza mu nkola y'ensolo ey'omulabe wa Kristo. Okuwaanibwawaanibwa n'okusutibwa mu madaala g'ebenzirukanya bigenda kubawangula. Era abantu bajja kugoberera abasumba bano ab'obulimba beesange nga batuuse mu bbaagiro. Wabula mu kulamula balisangibwa nga bali bwereere. Tebaliweebwa byambalo ebyo ebyeru; wadde tebalitambula naye. Toyinza kutambulira mu byambalo bya nsi eno ebirimu amabala, ng'okwataganye ne setaani wano n'osuubira okubeera ne Katonda. Ky'ekiseera kaakano okuzuukuka owulire eddoboozi lya Katonda nga likowoola, "Mukifulumemu (eddiini erina entegeka ezaayo) mmwe abantu bange, muleme okussa ekimu n'ebibi bye era muleme okuweebwa ku bibonyoobonyo bye." Amiina. Katonda Ayogera. Dduka amadiini g'ensi eno okufaanana nga bw'odduka kawumpuli. Vva ku by'okutambula n'ensi otukuze ebyambalo byo mu kwenenya n'omusaayi gw'Omwana gw'Endiga. Naye kikole kaakati,

kubanga enkya bwandiba nga buyise nga olwo tekikyasoboka.

"Era oyo awangula . . . sirisangula linnya lye mu Kitabo ky'Obulamu."

Omulundi omulala nate tutuuse ku kitundu ekisinga obukalubo mu Kigambo. Olunyiriri luno bwe lutwalibwa ng'olatalina makulu oba oluteetaagisa, aba Arminians ne ba Calvinists bajja kulweyambisa okutuukiriza ebigendererwa byabwe.

Aba Arminians bajja kватула nti olunyiriri luno lujungulula Yokaana 6:37-44.

"Buli Kitange gw'Ampa, alijja gye Ndi: ajja gye Ndi Ssirimugobera bweru n'akatono.

Kubanga Ssaava mu ggulu kukola kye Njagala Nze, wabula Oli Eyantuma ky'Ayagala. Eyantuma ky'Ayagala kino mu bona be Yampa aleme okubulwa n'omu, naye Mmuzuukirize ku lunaku olw'enkomerero."

Awo Abayudaaya ne bamwemulugunya, kubanga Yagamba nti Nze mmere eyava mu ggulu.

Ne bagamba nti Ono si ye Yesu omwana wa Yusufu, gwe tumanyiiko kitaawe ne nnyina? kaakano Agamba Atya nti nnava mu ggulu?

Yesu n'Addamu n'Abagamba nti Temwemulugunya mwekka na mwekka.

Tewali ayinza kujja gye Ndi Kitange Eyantuma bw'Atamuwalula; Nange ndimuzuukiriza ku lunaku olw'enkomerero."

Aba Arminians Katonda by'Ayagala tebabitwala kuba nti ekyo ky'ekigendererwa Kye eky'oku ntikko, wabula bakitwala nti mumativu Takyetaaga kwongerako okuggyako okuyimirira emabbali Atunuulire obulngi bw'ebirabo Bye eby'ekisa n'obulamu obutaggwaawo.

Aba Calvinists ekyo tebakiraba. Mu lunyiriri luno bo balaba ng'okubudaabuda okuweebwa abatukuvu ababonaabona, abazitooweredwa, nti si nsonga oba embeera mbi kwenkana wa n'okuyigganyizibwa, kubanga omuwanguzi ali omu, "akkiriza nti Yesu ye Kristo," erinnya lye teririsangulwa mu kitabo ekyo. Abamu era bagamba nti "Ekitabo ky'Obulamu" kino si "ky'Ekitabo ky'Omwana gw'Endiga eky'Obulamu." Naye nga bulijjo, omuntu bw'atwala olunyiriri okuba nti terulina nnyo makulu, ekivaamu ebintu abitegeera okuba ng'ebitaliimu nnyo makulu.

Eky'okuba nti erinnya lisobola okusangulibwa mu buwandiike bwa Katonda tekyetaaga kumala gasomesebwa mu ngeri eya bulijjo, kubanga okutuusa kaakano abasomi abasinga obungi bakitutte nti Katonda Awandiika amannya g'abo abazaalibwa omulundi ogwokubiri mu Kitabo ky'Obulamu eky'Omwana gw'Endiga mu kiseera ekyo lwe baba bazaaliddwa; era nti bwe wabaawo ensonga yonna erinnya lisangulibwamu, ekifo ne kisigala kyereere nga bwe kyali ng'erinnya terinnawandiikibwamu. Kino kikumi ku kikumi kikontana n'ekyo Ekgambo kye kiyigiriza.

Okuviira ddala ku ntamdkwa y'essomo lyaffe, kimanyibwe nti TEWALI Kyawandiikbwu wadde EKIMU ekiyigiriza nti Katonda kaakati Alina amannya g'Awandiika. Bino byonna byakolebwa ng'ensi tennatondebwa, nga bwe tunaatera okukinokolayo. Ate, era tekiri lwa kuba nti twetaba mu bibiina ebibiri eby'abantu abaafuna omukisa okufuna obulamu obutaggwaawo ng'ekibiina ekimu amannya gaabwe gaawandiikbwu ate abalala abaabugaana agaabwe tegaawandiikbwu. Ddala tujja kulaga nga tweyambisa Ebyawandiikbwu nti nnamungi w'abantu abataazalibwa mulundi gwa kubiri, baliyingira mu bulamu obutaggwaawo. Wadde kino kiwulikika nga kigenyi, naye ddala kituufu. Era tujja kulaga nti waliwo ekibiina ky'abantu ng'amannya gaabwe gaawandiikbwu ng'ensi tennatondebwa nga KA KIBE KI AMANNYA AGO TEKISOBOKA KUGASANGULA; naye era tujja kulaga ekibiina ekirala ekirina AMANNYA AGAAWANDIIKBWA NG'ENSI TENNABAABO NG'AGO GALISANGULIBWA.

Okusooka, tewali wasinziirwa kugamba mbu "Ekitabo ky'Obulamu eky'Omwana gw'Endiga" si kye kimu "n'Ekitabo ky'Obulamu." Ekitabo ky'Obulamu kiyinza okuyitibwa Ekitabo ky'Omwana gw'Endiga eky'Obulamu, oba kale Ekitabo Kyo (ekya Katonda) era Ekitabo ky'Abalamu. Manya gokka ge gaawandiikibwamu.

Okubikkulirwa 13:8,

"Era abo bona abatudde ku nsi baligisinha, (ensolo), abo abatawandiikkidwa manya gaabwe mu Kitabo eky'Obulamu eky'Omwana gw'Endiga eyattibwa okuva ku kutondebwa kw'ensi."

Okubikkulirwa 17:8,

"Ensolo gye walabye yaliwo, era nga tekyaliwo; era egende okuva mu bunnya

obutakoma n'okugenda mu kubula N'abo abatuula ku nsi balyewuunya, abataawandiikibwa mannya gaabwe mu Kitabo ky'Obulamu kasookedde nsi eteekebwawo, bwe baliraba ensolo nga yaliwo, era nga tekyaliwo, ate erijja."

Okubikkulirwa 20: 12-15,

"Ne ndaba abafu, abakulu n'abato, nga bayimiridde mu masso g'entebe; ebitabo ne bibikkulwa: n'ekitabo ekirala ne kibikkulwa, kye ky'obulamu: abafu ne basalirwa omusango mu ebyo ebyawandiikibwa mu bitabo, ng'ebikolwa byabwe bwe byali.

N'enyanja n'ereeta abafu abalimu: ne basalirwa omusango buli muntu ng'ebikolwa byabwe bwe byali.

N'okufa n'Amagombe ne bisuulibwa mu nnyanja ey'omuliro. Eyo kwe kufa okwokubiri, ennyanja ey'omuliro.

Era omuntu yenna ataalabika mu kitabo kya bulamu, n'asuulibwa mu nnyanja ey'omuliro."

Musobola okulaba nti wadde waliwo ebitabo ebirala ebyogeddwako osanga buli kiseera ekitabo KIMU kyekyogerwako omuli amannya. Mu Okubikkulirwa kiyitibwa "Ekitabo ky'obulamu eky'Omwana gw'Endiga," oba "Ekitabo ky'Obulamu."

Kati ekitabo kino kisangibwa wa? Lukka 10:17-24,

"Awo abo ensanvu ne bakomawo nate n'essanyu nga bagamba nti Mukama waffe, ne baddayimooni batuwulira mu linnya lyo.

N'Abagamba nti Nnalaba Setaani ng'avudde mu ggulu okugwa ng'okumyansa.

Laba, Mbawadde obuyinza obw'okulinnyanga ku misota n'enjaba ez'obusagwa, n'amaanyi gonna ag'omulabe: so tewali kintu ekinaabakolanga obubi n'akatono.

Naye ekyo temukisanyukira, kubanga baddayimooni babawulira; naye musanyuke kubanga amannya gammwe gawandiikiddwa mu ggulu.

Awo mu ssaawa eyo n'Asanyukira mu Mwoyo Omutukuvu n'Agamba nti Nkwebaza, Kitange, Mukama w'eggulu n'ensi, kubanga bino wabikweka abagezi n'abakabakaba, n'obibikkulira abaana abato: weewaawo, Kitange; kubanga bwe kyasiimbwa bwe kityo mu maaso Go.

Byonna byampeebwa Kitange; tewali muntu amanyi Omwana bw'ali, wabula Kitaffe; newankubadde Kitaffe bw'Ali, wabula Omwana, n'oyo Omwana gw'ayagala okumubikkulira.

N'Akyukira abayigirizwa Be n'Abagamba kyama nti Galina omukisa amaaso agalaba bye mulaba: kubanga Mbagamba nti bannabbi bangi ne bakabaka baayagalanga okulaba bye mulaba mmwe, ne batabiraba; n'okubiwlira bye muwulira ne batabiwulira."

Ekitabo ky'Obulamu awatali kubuuusabuusa kiri mu Ggulu, era kirabikira ku kulamula kw'oku Ntebe Enjeru. Mu nnyiriri zino Yesu yagamba nti AMANNYA gaabwe gaali gaawandiikibwa mu ggulu. Gaali gaawandiikibwa mu Kitabo ky'Obulamu, kubanga omwo amannya mwe gaateekebwa. Yesu Yali Ayogera eri ensanvu (oluny. 17), Yesu Yali ayogera n'eri ekkumi n'babiri (oluny. 23). Bano bona baali basanyuka kubanga emizimu gyabagondera mu Linnya lya Yesu. Okuddamu kwa Kristo kwali, "Temusanyuka kubanga baddayimooni babagondera wabula musanyuke lwa kuba nti amannya gammwe gawandiikiddwa mu ggulu (Ekitabo ky'Obulamu). "Wano ojja kulaba nti Yuda yali omu kw'abo abaali bagoba ddayimooni mu Linnya lya Yesu, naye tumanyi nti yali setaani, omwana w'okubula.

Yokaana 6:70-71,

"Yesu n'Abaddamu nti Si Nze Nnabalonda mmwe ekkumi n'babiri era omu ku mmwe ye setaani? Yayogera ku Yuda Isukalyoti omwana wa Simooni kubanga ye yali agenda okumulyamu olukwe, y'omu ku kkumi n'babiri."

Yokaana 17:12,

"Bwe Nnali nabo be wampa Nnabakuumanga mu Linnya Lyo: era ne Mbazibira, tekubulanga muntu ku bo, wabula omwana w'okubula; ebyawandiikibwa bituukirire."

Yokaana 13:10-11,18,

"Yesu n'Amugamba nti Anaazibwa omubiri taliiko kye yeetaaga wabula okunaaba ebigere byokka, naye yenna nga mulongoofu; nammwe muli balongoofu naye si mwenna.

Kubanga Yamumanya anaamulyamu olukwe, kye Yava Ayogera nti mwenna temuli

balongoofu.

Soogedde ku mwenna Nze Mmanyi be Nnalondamu, naye ekyawandiikibwa kituukirire nti Alya awamu Nange y'oyo annyimusirizza ekisinziiro kye."

Kati ddala olulimi bwe luba lulina amakulu, tuteekwa okukkiriza nti Yuda yalondebwa Yesu (Yokaana 13:18), naye ate nga teyali mulongoofu, (Yokaaka 13:10-11). Yuda naye Kitaffe ye Yamuwa Yesu. Yokaana 17:12. (Wano kimanyibwe nti "okulonda" n'okugaba bifaananira ddala ebya Musa ne Falaawo, Yakobo ne Esawu, kubanga wadde Esawu ne Falaawo baamanyibwa ng'ensi tennabaawo, baategekebwa eri obusungu ate nga enkomerero ya Musa ne Yakobo yali kuweebwa kitiibwa. I Peetero 2:8-9a kiraga abataasiimibwa n'abalonde "Kubanga abeesittala ku Kigambo nga tebajeema: era kwe baateekerwawo." Naye muli ggwanga ddonde.") Yuda yabalibwa mu kkumi n'ababiri era ddala yaweereza wamu nabo nga Pentekoote tennatuuka.

Bikolwa 1:16-17,

"Abasajja ab'oluganda, Ekyawandiikibwa kino kyagwana kituukirizibwe, Omwoyo Omutukuvu kye Yayogera edda mukamwa ka Dawudi ku Yuda, eyakulembera abo abaakwata Yesu.

Kubanga yabalirwa wamu naffe, n'aweebwa ku mugabo gw'okuweereza."

Omugabo Yuda gwe yagabanako mu kkumi n'ababiri ate n'agusuula gwali tegunyoomebwa ku buweereza bw'abalala ekkumi n'omu, ate era tebwali buweereza bw'abalala.

Bikolwa 1:25.

"Atwale ekitundu ky'obuweereza buno n'obutume, Yuda mwe yava n'agwa bwe yayonoona alyoke agende mu kifo kye."

Yuda, setaani, obuweereza bw'Omwoyo Omutukuvu obwamuweebwa Katonda yabusuula, ne yetta N'AGENDA MU KIFO KYE. Erinnya lye lyali mu Kitabo ky'Obulamu. Naye erinnya lye lyasangulwamu.

Kati nga tetunnalondoola kirowoozo kino ku Yuda, leka tuddeyo mu Ndagaano Enkadde tulabe Katonda we Yakolera ekintu ekyo kimu. Mu Olubereberye 35:23-26, batabani ba Yakobo baali 12 era amannya gabwe ge gano. Lewubeeni, Simyoni, Leevi, Yuda, Isakaali, Zebulooni; Yusufu, Benyamini; Ddaani, Nafutali; Gaadi ne Aseri. Ezzadde ly'abatabani ba Yakobo bano ekkumi n'ababiri lyafuuka ebika bya Isiraeri ekkumi n'ebibiri okuggyako Yusufu ataalina kika kye yabbulwamu, kubanga mu kulabirirwa kwa Katonda waali wa kubeererawo ebika 13, batabani ba Yusufu ababiri baaweebwa omukisa okuweza omuwendo okugutuusa ku 13. Mukimanyi, n'okukimanya, nti kino kyali kyetaagisa nga Leevi bwe yayawulibwa eri Katonda okubeera Kabona. Kale Isiraeri bwe yava mu Misiri Katonda n'Abawa olusiisira mu lukoola, tulaba nga ekika ya Leevi kiweereza ebika 12 Lewubeeni, Simyoni, Isakaali, Yuda, Zebbulooni, Benjamini, Ddaani, Nafutaali, Gaadi, Aseri, Efulayimu ne Manase. Kale bwe gatyo bwe gaddirinngana mu kitabo ky'Okubala 10:11-28. Yusufu tayogerwako oba Leevi. Naye bwe tutunula mu Okubikkulirwa 7:4-8, we kigambira nti "bassibwako akabonero emitwalo kkumi n'ena mu enkumi nnya ebika BYONNA eby'abaana ba Isiraeri," amannya gasengekebwa bwe gati: Yuda, Lewubeeni, Gaadi, Aseri, Nafutaali, Manase, Simyoni, Leevi, Isakaali, Zebbulooni, Yusufu, Benyamini. Tuzzeeyo ku bika ekkumi n'ebibiri ne Leevi ne Yusufu ng'ayogeddwako mu bo naye Ddaani ne Efulayimu tebaliimu.

Kati ekyebuuuzibwa kiri nti, Iwaki ebika bino ebibiri byasangulwamu? Eky'okuddamu kisangibwa mu Ekyamateeka 29:16-20,

"(Kubanga mumanyi bwe twatuulanga mu nsi y'e Misiri; era bwe twaggukira wakati mu mawanga ge mwayitamu;

era mwalabanga eby'emizizo byabwe, n'ebifaananyi byabwe, emit i n'amayinja, effeeza n'ezabu, ebyali mu bo:)

walemenga okuba mu mmwe omusajja, oba mukazi, oba nnyumba, oba kika, akyamya omutima gwe leero okuva ku Mukama Katonda waffe, okugenda okuweereza bakatonda ab'amawanga gali; walemenga okuba mu mmwe ekikolo ekibala akalulwe ne abusinso;

era olunaatuukanga ng'awulira ebigambo eby'ekikolimo kino, ne yeenyumiriza mu mutima gwe, ng'ayogera nti Nnaabanga n'emirembe ne we nnaatambuliranga mu bukakanyavu bw'omutima gwange, okuzikiriza oyo atobye wamu n'omukalu:

Mukama taamusonyiwenga, naye obusungu bwa Mukama n'obuggyga bwe ne biryoka

binyookera omusajja oyo, n'ekikolimo kyonna ekiwandiikkidwa mu kitabo kino kinaamubangako, era Mukama Anaasangulanga erinnya lye okuliggya wansi w'eggulu."

Wano ekikolimo we kirangirirwa eri abasinza ebifaananyi, oba obwenzi obw'omu mwoyo. Ekika ekyayingiringa mu kusinza ebifaananyi nga kisangulwamu. N'ebafaayo by'ebika ebibiri ebyasangulwamu. olw'okusinza ebifaananyi bisangibwa mu I Bassekabaka 12:25-30,

"Awo Yerobowaamu n'azimba Sekemu mu nsi ey'ensozi eya Efulayimu, n'abeera omwo; n'ava omwo n'azimba Penueri.

Yerobowaamu n'ayogerera mu mutima gwe nti Kaakano obwakabaka bunadda eri ennyumba ya Dawudi:

abantu bano bwe banaayambukanga okuweerayo ssaddaaka mu nnyumba ya Mukama mu Yerusaalemi, kale omutima gw'abantu bano gulikyukira nate mukama waabwe, Lekobowaamu kabaka wa Yuda; kale balinzita nze, ne baddayo eri Lekobowaamu kabaka wa Yuda.

Awo kabaka n'alyoka ateesa ebigambo, n'akola ennyana bbiri za zaabu: n'abagamba nti Kinaabalemanga okwambukanga e Yerusaalemi; laba bakatonda bo, ai Isiraeri abaakuggya mu nsi y'e Misiri.

N'ateeka emu mu Beseri ne ginnaayo n'agiteeka mu Ddaani. N'ekigambo ekoy ne kiba ekibi: kubanga abantu baagendanga okusinziza mu maaso g'emu nga bagenda e Ddaani."

Koseya 4:17,

"Efulayimu yeegasse n'ebifaananyi: muleke."

Weetegerereze ddala nti ekibonerezo ky'okusinza ebifaananyi kyali nti ekika ekoy erinnya lyakyo lyali lya kusangulwa, "wansi w'eggulu." Ekyamateeka 29:20. Tekigamba nti kyali kya kusangulwa, "mu ggulu" wabula wansi w'eggulu. Era ekoy kye nnyini ddala bwe kiri kubanga kaakano Isiraeri ekomyewo mu Nsi Entukuvu (Palestine), era Mukama anaatera okusiba (awamu) 144,000. Naye mu muwendo ogwo Ddaani ne Efulayimu tebaliimu.

Okubikkulirwa 7:4-8,

"Ne mpulira omuwendo gwabwe abaateekebwako akabonero, baali kasiriivu mu obukumi buna mu-enkumi-nnya, abaateekebwako akabonero mu buli kika ky'abaana ba Isiraeri.

Ab'omu kika kya Yuda abaateekebwako akabonero kakumi mu-enkumi-bbiri: Ab'omu kika kya Lewubeeni kakumi-mu-bbiri: Ab'omu kika kya Gaadi kakumi-mu enkumi-bbiri:

Ab'omu kika kya Aseri kakumi-mu enkumi-bbiri: Ab'omu kika kya Nafutaali kakumi-mu-enkumi-bbiri: Ab'omu kika kya Manaase kakumi-mu-enkumi-bbiri:

Ab'omu kika kya Simyoni kakumi-mu-enkumi-bbiri: Ab'omu kika kya Leevi kakumi mu-enkumi-bbiri: Ab'omu kika kya Isakaali kakumi mu-enkumi-bbiri:

Ab'omu kika kya Zebbulooni kakumi mu-enkumi-bbiri: Ab'omu kika kya Yusufu kakumi mu-enkumi-bbiri: Ab'omu kika kya Benyamini abaateekebwako akabonero kakumi mu-enkumi-bbiri."

(Laba, Ddaani ne Efulayimu tebaliimu.)

Kati ku kino, yongerako Danyeri 12:1 ekyogera ku 144,000 abasibibwa mu kabonero akoomukaaga ne mu kiseera ky'ekibonyoobonyo eky'ekitalo era okubonaabona kwa Yakobo.

"Era mu biro ebyo Mikayiri omulangira omukulu aliyiririra abaana b'abantu bo; era waliba ekiseera eky'okunakuwaliramu ekitabangawo kasooka wabaawo eggwanga okutuusa ku biro ebyo era mu biro ebyo abantu bo baliwonyezebwa, BULI ALIRABIKA NGA YAWANDIIKIBWA MU KITABO"

Naye ate, ng'ekiseera kino eky'ekibonyoobonyo kiwedde, (mu bufuzi obw'emyaka olukumi) nga bwe byalabibwa Ezekyeri 48:1-8 ne 22-29 tulaba ebika omulundi omulala nate nga bitegekeddwa mu ngeri Entukuvu (Divine order). Naye okuva ku olwo Ddaani ne Efulayimu bwe beegatta ku bifaananyi, baafa, era ebika ebyo tebikyabalibwa. Kati nkiraba nti okuva ku kuzikirizibwa kwa Yerusaalemi, obuwandiike bw'ebika bwonna bwabula kale tewali ddala ani ayinza kumanya kika ki mwasibuka, NAYE KATONDA AMANYI. Katonda Oyo ow'ekitalo akomyawo Abayisiraeri mu nsi, entukuvu amanyidde ddala kika ki buli Muyisiraeri omutuufu mwava, era bwe balikunngaana bona 144,000

Ddaani ne Efulayimu tebagenda kubeeramu.

Ebika bya Isiraeri biibino. Ezekyeri 48:1-8 ne 22-29,

"Era gano ge mannya g'ebika: okuva ku nkomerero ey'obukiika obwa kkono, ku mabbali g'ekkubo Agekesulooni okutuuka awayingirirwa mu Kamasi, Kazalemaani awali ensalo y'e Ddamasiko, ku luuyi olw'obukiika obwa kkono ku mabbali ag'e Kamasi; era baliba n'embiriizi zaabwe nga zitunuulira ebuvanjuba n'ebugwanjuba; Ddaani omugabo gumu.

n'awali ensalo ya Ddaani, okuva ku lubiriizi olw'ebuvanjuba okutuuka ku lubiriizi olw'ebugwanjuba; Aseri omugabo gumu.

N'awali ensalo ya Aseri, okuva ku lubiriizi olw'ebuvanjuba okutuuka ku lubiriizi olw'ebugwanjuba; Nafutaali omugabo gumu.

N'awali ensalo ya Nafutaali, okuva ku lubiriizi olw'ebuvanjuba okutuuka ku lubiriizi olw'ebugwanjuba; Manaase omugabo gumu.

N'awali ensalo ya Manaase, okuva ku lubiriizi olw'ebuvanjuba okutuuka ku lubiriizi olw'ebugwanjuba; Efulayimu omugabo gumu.

N'awali ensalo ya Efulayimu, okuva ku lubiriizi olw'ebuvanjuba okutuuka ku lubiriizi olw'ebugwanjuba; Lewubeeni omugabo gumu.

N'awali ensalo ya Lewubeeni, okuva ku lubiriizi olw'ebuvanjuba okutuuka ku lubiriizi olw'ebugwanjuba; Yuda omugabo gumu.

Era awali ensalo ya Yuda, okuva ku lubiriizi olw'ebuvanjuba okutuuka ku lubiriizi olw'ebugwanjuba, we waliba ekitone kye muliwaayo, obugazi bwakyo emmulu obukumi bubiri mu enkumi ttaano n'obuwanvu nga bwenkana ogumu ku migabo, okuva ku lubiriizi olw'ebuvanjuba okutuuka ku lubiriizi olw'ebugwanjuba: n'awatukuvu waliba mu kyo wakati. . ." n'ebirala. "Era nate okuva kubataka obw'Abaleevi, n'okuva ku butaka obw'ekibuga, obuli wakati w'ekitundu eky'omulangira, wakati w'ensalo ya Yuda n'ensalo ya Benyamini, waliba wa MULANGIRA.

N'ebika ebirala; okuva ku lubiriizi olw'ebuvanjuba okutuuka ku lubiriizi olw'ebugwanjuba; Benyamini omugabo gumu.

N'awali ensalo ya Benyamini okuva ku lubiriizi olw'ebuvanjuba okutuuka ku lubiriizi olw'ebugwanjuba; Simyoni omugabo gumu.

N'awali ensalo ya Simyoni okuva ku lubiriizi olw'ebuvanjuba okutuuka ku lubiriizi olw'ebugwanjuba; Isakaali omugabo gumu.

N'awali ensalo ya Isakaali okuva ku lubiriizi olw'ebuvanjuba okutuuka ku lubiriizi olw'ebugwanjuba; Zebbulooni omugabo gumu.

N'awali ensalo ya Zebbulooni okuva ku lubiriizi olw'ebuvanjuba okutuuka ku lubiriizi olw'ebugwanjuba; Gaadi omugabo gumu.

N'awali ensalo ya Gaadi, ku lubiriizi olw'obukiika obwa ddyo, . . ." n'ebirala.

Ekifaananyi ekirala kye tuyinza okutwala by'ebafaayo bya Iisiraeri nga bava mu Misiri okugenda mu nsi ya Kanani. Ekigendererwa kya Katonda mu mulembe guno kyali KUFULUMYA Isiraeri, N'OKUBAYINGIZA, balyoke bamuweereze. Kale bwe baava mu Misiri BONNA bajjira wansi w'omusaayi gwa ssaddaaka y'akaliga; BONNA baayita mu kubatizibwa kw'amazzi mu nnyanja emmyufu; BONNA beeyagalira mu byamagero eby'amaanyi; BONNA baalya ku mmaanu; BONNA baanywa ku mazzi agaava mu Iwazi, era ku by'emikisa gyonna n'ebirala ebyayolesa byokka BONNA baabigabanako mu kyenkanyi. Naye, bwe baatuuka ku Mowaabu abo abeegatta ku kijagozo kya Baalipyoli bona baafa. Emirambo gyabwe gyagwa mu ddungu, kubanga eyo gye baagaanira Ekigambo kya Katonda ne bakivaako. Kati kino Abaebulaniya 6:1-9 ky'agamba, ekyaggyibwayo n'obwegendereza ennyo mu Mulembe gwa Perugamo. Toyinza kugendako na kitundu butundu kya Kigambo olina okutwala Ekigambo KYONNA. Waliwo abantu abalabika nga beenyigidde mu bintu bya Katonda kumpi kikumi ku kikumi. Balinga Yuda. Ng'oggyeeko Yesu tewali n'omu yamanyira ddala Yuda kye yali. Kale olunaku Iwatuuka Yuda Iwe yakolera ddala ekyo Isiraeri kye yakola e Baalipyoli. Yasalawo okwagala okwegatta n'abo ab'omuzabbibu ogw'obulimba — ayingire mu by'ensimbi, ekibiina ky'ebayobufuzi ekirwanyisa Ekigambo, eddiini omulabe wa Kristo era bwe yakola. Yasiruwazibwa! Abalala ekkumi n'omu tebasiruwazibwa. Baali tebasobola, kubanga baali ku abo bennyini abalonde. Kale Yuda bwe yabavaako n'agenda alya mu Yesu olukwe erinnya lye lyasangulwa mu Kitabo ky'Obulamu. (Okubikkulrwa 22:19.)

Nkakasa kati nti mulabye nti amannya g'abo abaawandiikibwa mu Kitabo ky'Obulamu baali kitundu ku nkola (kibiina) y'eddiini ey'omu biro ebyo eyali yeekutte ku Katonda Omutuufu ne mu kumusinza, wadde tebaasinza kusinziira ku Mazima (Ekigambo). Okufaanana nga Yuda tebaamalako lugendo. Laba nga Yuda bwe yalondebwa Katonda. Yayigirizibwa mu mazima. Yagabana ku kumanya ebyama. Yalina obuweereza bw'amaanyi obwamuweebwa n'awonya abalwadde era n'agoba n'emizimu mu Linnya lya Yesu. Naye ekiseera bwe kyatuuka okuzuula ani yali omutuufu era ani yali omukyamu, yalondawo zaabu n'obuyinza bw'ebiyobufuzi. Teyatuuka ku Pentekoote kufuna Mwoyo wa Katonda. Teyalina Mwoyo. Mu ekyo tokola ensobi, omuntu ddala abatiziddwa n'Omwoyo Omutukuvu mu mubiri gwa Kristo n'afuna obujjuvu bw'Omwoyo wa kuba mu KIGAMBO OKUTUUSA KU NKOMERERO. Obwo bwe bukakfu nti omuntu abatiziddwa n'Omwoyo Omutukuvu. Yuda yalemwa. Abantu bangi nnyo awo we balemererwa. Era bwe balemwa okugenda mu Kigambo ekyo, amannya gaabwe gasangulwa mu Kitabo ky'Obulamu.

Okusobola okwongera okutangaaza ku ky'okujja erinnya mu Kitabo ky'Obulamu kitwetaagisa okwongerayooke ebirowoozo byaffe ku Isiraeri mu biro bya Musa.

Okuva 32:30-34,

"Awo olwatuuka enkyo, Musa n'agamba abantu, nti Mwayonoonye ekyonoono ekinene: ne kaakano nnaalinnya eri Mukama; mpozzi nnaakola ekinaatangirira ekyonoono kyammwe.

Musa n'addayo eri Mukama, n'ayogera nti Woo, abantu abo bayonoonye ekyonoono ekinene, ne beekolera bakatonda ba zaabu.

Naye kaakano bw'onoosonyiwa ekyonoono kyabwe-; naye bw'otoobasonyiwe, onsangule nze, nkwegayiridde, mu kitabo kyo kye wawandiika.

Mukama n'Agamba Musa nti Buli eyannyonoonye Nze oyo gwe Nnaasangula mu Kitabo Kyange.

Kaakano genda otwale abantu mu kifo kye Nnakugambako: laba, Malayika Wange anaakukulemberanga era naye ku lunaku luli lwe ndiwalana, Ndibawalanako ekibi kyabwe."

Kisukkiridde okweraga nti amannya gabaddenga gasangulwa, era gakusangulibwa mu Kitabo ky'Obulamu ng'ekiseera tekinnaggwaawo. Mu kifo kino kyennyini olw'okusinza ebifaananyi, nga Ddaani ne Efulayimu bwe baafirwa eddembe lyabwe ng'ebika olw'okusinza obuyana obwa zaabu. Bonna abaasinza ebifaananyi amannya gaabwe gaggyibwa mu Kitabo ky'Obulamu.

Isiraeri bwe yagaana obukulembeze bwa Katonda mu mpagi y'omuliro, n'edda ku by'okusinza obuyana obwa zaabu amannya gaabwe gaggyibwa mu Kitabo ky'Obulamu. Okuva 32:33 "Oyo annyonoonye gwe nnaasangula mu Kitabo Kyange." Oba nga okukyukira ebifaananyi ng'okwo kulina kubonerezebwa ng'amannya gaggyibwe mu Kitabo ky'Obulamu, mazima ddala Isiraeri okugaana Yesu Kristo nga Masiya kiteekwa kuba kibonerezo kya maanyi. Kino ddala bwe kiri.

Mu Zabbuli 69 eggyayo okwetoowaza kwa Yesu kigamba mu lunyiriri 21-28,

"Era bampa omususa okuba emmere Yange; era bwe Nnalumibwa ennyonta ne bannywesa omwenge omukaatuufu.

Emmeeza yaabwe eri mu maaso gaabwe ebeerenga ekyambika gye bali; era bwe baba mu mirembe, gifuukenga omutego.

Amaaso gaabwe gabenga mu kizikiza, baleme okulaba; okankanyenga ebiwato byabwe ennaku zonna.

Obafukengako ekiruyi kyo, n'obusungu bwo obukambwe bubatuukengako

. Ennyumba yaabwe erekebwenga, so omuntu yenna alemenga okubeera mu weema zaabwe.

Kubanga baayigganya Oyo gw'okubye; era boogera ku nnaku z'abo boofumise.

Oyongerenga obubi ku bubi bwabwe: so balemenga okuyingira mu butuukirivu bwo.

Basangulibwenga okuva mu kitabo ky'obulamu, so balemenga okuwandiikibwa awamu n'abatuukirivu."

Abayudaaya bwe baagana Yesu baavirwako ddala enjiri n'edda eri ab'Amawanga.

Ebikolwa 13:46-48,

"Pawulo, ne Balunabba ne boogera n'obuvumu nti Kyagwana okusooka okubuulirwa Ekigambo kya Katonda mu mmwe. Kubanga mukisindiikiriza so temweraba kusaanira

bulamu obutaggwaawo, laba, tukyukira eri ab'amawanga.

Kubanga Mukama Yatulagira bw'Ati nti Nkuteesewo okubanga omusana gw'amawanga okubeerenga obulokozi okutuusa ku nkomerero y'ensi.

Ab'amawanga bwe baawulira ne basanyuka ne bagulumiza Ekigambo kya Katonda: bona ne bakkiriza abaali baterekeddwa obulamu obutaggwaawo."

Okwogera kino tekitegeeza nti tewalibaayo mannya malala okuva mu bika by'Abayisiraeri agasigala mu Kitabo ky'Obulamu, kubanga bangi ku bano (si bali olufulube oba obufukunya) okuyita mu nkola y'okulonda baliba mu mulembe gw'ekkanisa y'Abaamawanga bayingire mu mubiri gwa Yesu Kristo, okulaga nti ddala amannya gaabwe gaasigala mu Kitabo ky'Obulamu. N'ekirala nga bwe tunaalaga, okusinziira ku kabonero oba okusibibwa (seal) okwokutaano, nnamungi w'Abayudaaya abattibwa ng'abajulizi ba kuweebwa bafuta enjeru n'obulamu obutaggwaawo Mukama nga y'Abubawa. Ne bali 144,000 ba kusibibwako bw'Alijja, okukakasa nti nabo amannya gaabwe nago tegaasangulibwamu. Naye ate kiggyibwayo bulungi nnyo okusinga mu Zabbuli 69 nti aboonoonyi (ababi) oba abatali batuukirivu abagaana Kristo abazikiriza abantu be nabo amannya gaabwe ge gaggyiddwamu.

Nga Isiraeri (abantu ba Katonda abalonde) abasinga obungi bwe baafirwa eddembe lyabwe mu Kitabo ky'Obulamu olw'okugaana Yesu, n'abasinga obungi mu kkanisa y'Abaamawanga nabo balijja mu musango kibaviiremu amannya gaabwe okusangulwa mu Kitabo ky'Obulamu olw'okugaana Ekigambo era nga bayita mu ekyo bayingire mu nkola y'ensi yonna egatta enzikiriza zonna era ng'eyo ky'ekifaananyi ekyakolebwa eri ensolo.

Wano waliwo ekirala ekirina okulabibwa. Mu kulamula okw'ekitalo okw'Entebe Enjeru walibaawo okwawulibwa kw'abantu. Ekitabo ky'Obulamu kiribikkulwa n'ekitabo ekirala nakyo kibikkulwe.

Matayo 25:31-46,

"Naye Omwana w'omuntu bw'Alijira mu kitiiibwa Kye, ne bamalayika bona nga bali naye, awo bw'Alituula ku ntebe ey'ekitiibwa Kye:

n'amawanga gonna galikunngaanyizibwa ng'omusumba bw'Ayawulamu endiga n'embuzi:

endiga Aliziteeka ku mukono Gwe ogwa ddyo, naye embuzi ku mukono ogwa kkono.

Awo Kabaka Aligamba abali ku mukono Gwe ogwa ddyo nti Mujje, mmwe Kitange be Yawa omukisa, musikire obwakabaka obwabateekerwateekerwa okuva ku kutonda ensi:

kubanga Nnalina enjala ne Mumpa eky'okulya: Nnalina ennyonta ne munnywesa: Nnali mugenyi ne munsuza;

Nnali bwereere ne munnyambaza: nnali mulwadde ne munnambula: Nnali mu nvuba, ne mujja mundaba.

Awo abatuukirivu balimuddamu nga bagamba nti Mukama waffe, twakulaba ddi ng'Olina enjala ne tukuliisa? oba ng'Olina ennyonta ne tukunywesa?

Era twakulaba ddi ng'Oli mugenyi ne tukusuza? oba ng'Oli bwereere ne tukwambaza?

Era twakulaba ddi ng'Oli mulwadde, oba mu nvuba, ne tujja tukulaba?

Ne Kabaka Aliddamu Alibagamba nti Mazima Mbagamba nti, Nga bwe mwakola omu ku abo baganda Bange abasinga obuto, mwakikola Nze.

Awo Alibagamba n'abo abali ku mukono gwe ogwa kkono, nti Muveewo wendi, mmwe abaaakolimirwa, mugende mu muliro ogw'olubeerera, ogwateekerwateekerwa Setaani ne bamalayika be:

kubanga Nnalina enjala, temwampa kya kulya: nnalina ennyonta, temwannywesa:

Nnali mugenyi, temwansuza: Nnali bwereere, temwannyambaza: mulwadde, ne mu nvuba, temwannambula.

Awo nabo baliddamu, nga bagamba nti Mukama waffe, twakulaba ddi ng'Olina enjala, oba ng'Olina ennyonta, oba mugenyi, oba bwereere, oba mulwadde, oba mu nvuba, ne tutakuweereza?

Awo Alibaddamu, ng'Agamba nti, Mazima Mbagamba nti Nga bwe mutaakola omu ku abo abasinga obuto, temwakikola Nze.

Ne bano baligenda mu kibonerezo eky'olubeerera; naye abatuukirivu baligenda mu bulamu obutaggwaawo."

Okubikkulirwa 20:11-15,

"Ne ndaba entebe ey'obwakabaka ennene enjeru, n'Oyo Eyali Agituddeko, eggulu n'ensi ne bidduka mu maaso Ge; n'ekifo kyabyo tekylabika.

Ne ndaba abafu, abakulu n'abato, nga bayimiridde mu maaso g'entebe; ebitabo ne bibikkulwa: n'ekitabo ekirala ne kibikkulwa, kye ky'Obulamu: abafu ne basalirwa omusango mu ebyo ebyawandiikibwa mu bitabo, ng'ebikolwa byabwe bwe byali.

N'enyanja n'ereeta abafu abalimu, n'okufa n'Amagombe ne bireeta abafu abalimu: ne basalirwa omusango buli muntu ng'ebikolwa byabwe bwe byali.

N'okufa n'Amagombe ne bisuuliba mu nnyanja ey'omuliro. Eyo kwe kufa okwokubiri, ennyanja ey'omuliro.

Era omuntu yenna ataalabika ng'awandiikiddwa mu Kitabo eky'Obulamu, n'asuuliba mu nnyanja ey'omuliro."

Wagenda kubaawo abatukuvu n'abatali batukuvu mu kulamulwa kuno. Bwe kityo bwe kigamba ABATUKUVU BANO SI BE BALIBA OMUGOLE KUBANGA OMUGOLE ATUULA NAYE MU KUSALA EMISANGO.

I Abakkolinso 6:2-3,

"Oba temumanyi ng'abatukuvu be balisalira ensi omusangao? Era oba nga ensi mmwe muligisalira omusango temusaanira kusala nsonga entono ennyo?

Temumanyi nga tulisalira bamalayika omusango? Tulirema tutya okusala emisango egy'omu bulamu buno?"

Kubikkulirwa 3:21,

"Awangula Ndimuwa okutuula awamu Nange ku ntebe Yange ey'obwakabaka, era nga Nange bwe Nnawangula, ne Ntuula wamu ne Kitange ku ntebe Ye ey'obwakabaka."

Laba, omugole ali naye mu nnamulondo. Nga bw'ali ow'okulamula ensi alina okutuula naye mu bulamuzi. Ekyo kyennyini Danyeri kye yalaba.

Danyeri 7:9-10,

"Ne ndaba okutuusa entebe Iwe zaateekebwawo, n'Omukadde Eyaakamala ennaku ennyingi n'Atuula ebyambalo Bye byali bitukula ng'omuzira, n'enviiri ez'oku mutwe Gwe ng'ebeyoya by'endiga ebirungi: entebe ye yali nnimi za muliro ne bannamuziga baayo muliro ogwaka.

Omugga gw'omuliro ne gutiirika ne gufuluma mu maaso Ge: enkumi n'enkumi baamuweereza, n'obukumi emirundi akakumi baayimirira mu maaso Ge: omusango ne gubaawo, ebitabo ne byanjuluzibwa."

Laba, kintu kye kimu, ekyalabibwa wano, kubanga obukumi emirundi akakumi abamuweereza ye mugole, kubanga ani aweereza omwami okuggyako mukazi we?

Kati ekibuuozo kijja nti, lwaki abatukuvu bano bali mu kusalibwa omusango? Tewali kifo kirala we bayinza kujjira, kubanga waliwo okuzuukira kwa mirundi ebiri gyokka kale okuva Iwe bataasaanira kujjira mu kuzuukira okwasooka bateekwa okujjira mu kwokubiri ng'okwo kwe kuzuukira eri okusalibwa omusango. Abo abasaanira okujjira mu kuzuukira okusooka (omugole) tebali mu kusalibwa musango. Yokaana 5:24, "Ddala ddala Mbagamba nti Oyo awulira Ekigambo kyange n'akkiriza oyo eyantuma, alina obulamu obutaggwaawo" (amakulu nti omukkiriza y'afuna obulamu obutaggwaawo kaakano) era talijja mu musango (taliyingira mu kulamulwa, ky'ekyo ddala kye kigamba naye avudde (kuvira ddala) mu kufa n'agenda mu bulamu." Naye weekenneenye n'obwegendereza, Yesu Ateekwa okuba n'ekibiina ekirala mu mutima Gwe ekirifuna obulamu obutaggwaawo mu kuzuukira. Balibufunira ku kuzuukira, NGA BAALI TEBANNABUFUNA NGA ABAMU ABO ABALI MU MUGOLE.

Yokaana 5:28-29,

"Kino temukyewuunya: BONNA abo abali mu ntaana Iwe baliwulira eddoboozi Lye, ne bavaamu; abo abaakolanga ebirungi balizuukirira obulamu n'abo abaakolanga ebibi ebitasaana balizuukirira omusango."

Kati ffenna tukimanyi nti Yokaana 5:28-29 SI KWE KUKWAKKULIBWA kubanga abaafiira mu Kristo be bokka abalivaayo mu ntaana mu kiseera ekyo wamu n'omugole omulamu akyali ku nsi.

I Basessalonika 4:16-17,

"Kubanga Mukama waffe yennyini Alikka okuva mu ggulu n'okwogerera waggulu

n'eddoboozi lya malayika omukulu n'ekkondeere lya Katonda: n'abo abaafiira mu Kristo be balisooka okuzuukira:

naffe abalamu abaasigalawo ne tulyoka tutwalibwa wamu nabo mu bire okusisinkana Mukama waffe mu bbanga: kale bwe tutyo tunaabeeranga ne Mukama waffe ennaku zonna."

Naye kigamba mu Yokaana 5:28-29 nti BONNA ba kuvaayo mu ntaana. Okuzuukira kuno kwennyini kwe kumu okwogerwako mu Okubikkulirwa 20:11-15 ABAFU we baaletebwa mu maaso ga Mukama ne balamulwa okusinziira ku bikolwa byabwe, n'abo bona abalina amannya agataali mu Kitabo kya Bulamu olwo ne basuulibwa mu nnyanja ey'omuliro.

Kati ekibuzzo ekitwolekedde kiri nti Iwaki balina okuweebwa obulamu obutaggwaawo ku kulamulwa ng'ebbaluwa zirabika nga zisonga olunwe ku kino nti omuntu alina okubeera n'Omwoyo wa Kristo oba si ekyo azikirira. Wadde kirabika bwe kityo, tetuteekwa kunyooma bigambo bya Yesu Asingira ddala okulaga nti waliwo abasangibwa mu Kitabo ky'Obulamu abalifuna obulamu obutaggwaawo ng'okuzuukira kwa bona tekunnaba oba nga kuwedde.

Pawulo tadduka ku mazima gano kubanga agambira ddala mu Abafiripi 3:11,
"Bwe ndiyinza mu byonna byonna okutuuka ku kuzuukira Kwe okuva mu bafu."

Ekintu kino kye yayogera kya njawulo nnyo. Ffenna tumanyi nti FFENNA tuli ba kuba mu kuzuukira ka tube nti tukyagala oba tetukyagala. Bonna baakuzuukira. Kale Pawulo teyandigambye, "Bwe ndiyinza mu BYONNA byonna okutuuka ku kuzuukira kw'abafu." Amazima g'ensonga eno gali nti ekyo si ky'agamba. Okusoma obutereevu kiri bwe kiti mu NGERI YONNA bwe mba ow'okutuuka ku kuzuukira okw'okuva mu bafu." Kuno si kwe kutuuka ku kuzuukira okw'awamu okwa bona (okwokubiri) wabula okuzuukira okwo okusooka okwogerwako, "Alina Omukisa era Mutukuvu oyo agabana ku kuzuukira okw'olubereberye, ku oyo okufa okw'okubiri tekumulinaako maanyi, wabula baliba bakabona ba Katonda era aba Kristo era balifuga naye emyaka lukumi." Okuzuukira okusooka tekukwataganako na kufa kwa kubiri. Ekyo kya kubeerawo ku nkomerero y'emyaka olukumi. ABO BONNA abafu abaasigalawo we balibeerera abalamu nate. Era ku lunaku olwo walivaayo abamu eri obulamu obutaggwaawo n'abo abalala abakwatibwa mu kufa okwokubiri. Kati tettetaaga kuteeba baani mu kufa okwokubiri abaliweebwa obulamu. Tugambibwa nti kiribakolerwa Iwa kuba nti babadde balungi era ba kisa eri "Ab'oluganda." Abo abalizuukira ne basuulibwa mu nnyanja ey'omuliro balikolebwa bwe batyo olw'engeri embi gye baliba bayisizzaamu "Ab'oluganda." Okuva kino bwe kiri Ekigambo kya Katonda tukikkiriza bukkiriza. Wano tewaliwo mpaka, kigambo kyangu ekyo nnamaddala.

Okwongera okuitangaazaako, weekenneeny ebigambo ebiri mu Mataayo 25:31-46 Tekigamba nti omusumba ali awo ddala ng'ayawula endiga okuva ku mbuzi wabula KIFAANANA ng'okwawula endiga mu mbuzi. Mu kiseera kino kyennyini (okulamula kw'oku Ntebe Enjeru) zino si z'endiga. Endiga ziri mu kisibo kye, zaawulira eddoboozi Lye (Ekigambo) ne zimugoberera. ZAAFUNA DDA OBULAMU OBUTAGGWAALO KALE TEZISOBOLA KUJJA MU KUSALIBWA MUSANGO. Naye bano TEBALINA bulamu butaggwaawo, era bali mu kulamulwa. Bakkirizibwa OKUYINGIRA MU bulamu obutaggwaawo. Naye basinziira ku ki okuyingira mu bulamu obutaggwaawo? Ddala si Iwa kuba nti baafuna dda obulamu okufaanana ng'omugole, naye babufuna Iwa kuba nti baali ba kisa eri baganda ba Yesu. Bo si baganda Be: ekyo kyandibafudde okuba abasikira awamu ne Yesu. TEBALINA kye basikira okuggyako obulamu. Tebagabana naye ku nnamulondo yonna, n'ebirala. AMANNYA GAABWE GATEEKWA OKUBA NTI GAALI MU KITABO KY'OBUIAMU NE GATAGGYIBWAMU. Kati olw'okuba baayagala abantu ba Katonda ne babaweereza batongozebwa ne balokoka. Awatali kubuusabuusa baaweereza ne bayamba abaana ba Katonda. Oba oli awo okufaanana nga Nikodemus ne Gamalyeli baayamba abaana mu kiseera eky'akazigizigi.

Kino bwe kiba nga kireetawo "okuzzibwawo", kati tunula n'obwegendereza, kubanga ababi TEBAZZIBWAWO, naye bateekebwa mu nnyanja ey'omuliro. Amannya mangi ag'abo abaazikirizibwa nago gaali mu Kitabo ky'Obulamu; naye gaasangulwa kubanga baalemwa okuwa abantu ba Katonda ekitibwa abaali Ekigambo ekyeyoleka (ebbaluwa ennamu) mu biro byabwe.

Kati wano ka tube batangaavu. Gano si mawanga ge galamulwa nga gagenda mu bufuzi obw'emyaka olukumi kubanga bakwese ne bayamba Abayudaaya. Ekyo kirabikira

ddala olw'engeri ennyiriri zino gye zikyogeramu. "Era bano (aboonoonyi) *baligenda mu kubonerezebwa okw'emirembe n'emirembe (ennyanja ey'omuliro)*, naye abatuukirivu mu bulamu obw'emirembe n'emirembe." Mu buwandiike tewali kulamulwa kwa mirundi EBIRI kulagibwa ng'aboonoonyi basuulibwa mu nnyanja ey'omuliro. Ensolo yokka ne nnabbi ow'obulimba bye byokka ebiramulwa ku nkomerero y'ekibonyoobonyo eky'ekitalo. Nedda, kuno kwe kusala omusango (okulamula) kw'oku Ntebe Enjeru, era balamulwa okusinziira ku byawandiikibwa mu bitabo.

Kwe kuzuukira okwokubiri "emyoyo egiri wansi w'ekyoto" we girabikira mu kabonero akookutaano (Okubikkulirwa 6:9-11) ne baweebwa engoye enjeru, ate era n'obulamu obutaggwaawo, singa si ekyo tewandibaddewo kibaweesa byambalo byeru.

"Bwe Yabembula akabonero akookutaano, ne ndaba wansi w'ekyoto emyoyo gyabwe abattibwa olw'Ekigambo kya Katonda n'olw'okutegeesa kwe baalina."

Ne boogera n'eddoboobi eddene, nga boogera nti Olituusa wa Mukama Omutukuvu era Ow'amazima, obutasala musango n'obutawalana ggwanga olw'omusaayi gwaffe ku abo abatuula ku nsi?

Ne baweebwa buli muntu ekyambalo ekyeru; ne bagambibwa, okuwummula nate akaseera katono okutuusa baweereza bannaabwe ne baganda baabwe abagenda okuttibwa, nga nabo bwe battibwa."

Kati tegeerera ddala nti tewali n'omu ku abo abali wansi w'ekyoto yattibwa Iwa kutegeeza ku bya Yesu. Tebaali nga Antipa eyatemulwa olw'okunyweza Erinya Lye (erya Yesu). Bano si be baazaalibwa omulundi ogwokubiri, n'obulamu obutaggwaawo ng'ekintu kye balina. Baviirayo mu kuzuukira ne bafuna obulamu olw'okunywerera ku Kigambo. Era laba nga bwe bakaabira okuwoolera eggwanga. Tebayinza kuba ekyo ekikola oba ekivaamu omugole. Omugole akyusa ttama n'ayogerera waggulu, "Basonyiwe Kitange, kubanga tebamnyi kye bakola." Bano Bayudaaya. Balina okuba kubanga bali mu kabonero ka kutaano, era mu kabonero akookuna omugole w'omu Ab'amawanga aba agenze ng'atwaliddwa mu kukwakkulibwa. Kale Abayudaaya bano tebaazaalibwa na Mwoyo Gwe. Tebakiriza na kukkiriza nti Yesu ye Masiya. Naye nga Katonda bwe Yabaziba amaaso ku Iw'obulungi bw'Abaamawanga, Katonda Yabawa obulamu obutaggwaawo olw'okuba nti baali beesigwa eri Ekigambo kyonna kye baamanya wadde tebajja gy'AIi ne bakifiirira nga abangi ennyo ku bo bwe battibwa Hitler, Stalin, n'abalala era bajja kweyongera okufa.

Kwe kuzuukira okwokubiri embeerera abataano abasiru we baviirayo. Manya nti baali mbeerera. Tebaalina Mwoyo Mutukuvu n'olw'ekyo baasubwa okubeera mu mugole, ate nga abataano abaalina amafuta baafuuka kitundu ku mugole. Naye abantu bano, nga bwe baali, abaawufu, abaagala Katonda, abaagezaako okubeera mu Kigambo, okusinziira ku bya baali bakimanyiiko, n'okuyamba mu mulimu gwa Mukama bagenda kuvaayo ku nkomerero y'ekiseera. Bagenda kusubwa okuba mu myaka olukumi, ky'oyinza okutandika okulaba olw'amazima gano nti kikulu era kya kitalo okusinga bwe twali tukirowoozezza oba okukikkiriza.

Abantu bano bonna baalina amannya gaabwe mu Kitabo ky'Obulamu era amannya gaabwe gaasigalamu. Naye mannya ga baani agataasigalamu? Abo abaagendera ku nkola z'ensi mu makanisa ne balwanyisa omugole agaabwe ge galisangulwa. Abo be balifiirwa. Balisuulibwa mu nnyanja ey'omuliro.

Kati ka tweyongereyo eddaala eddala, naye ka tusooke tutunuulire ebyaffe we bituuse. Okusookera ddala tumanyidde ddala nti ekigendererwa kya Katonda kiri mu kulondebw. Kyategekerwa mu Ye yennyini. Kyali kigendererwa kya Katonda okwekolerawo abantu abafaanana nga Ye babeere Omugole ow'Ekigambo. Yalondebw MU YE ng'ensi tennabaawo. Yamanyirwawo (omugole) era n'ayagalibwa nga tannazaalibwa mu mirembe gy'oku nsi. Yanunulibwa n'omusaayi Gwe era TASOBOLA kubeera mu musango. Tayinza kubeera mu kulamulwa kubanga ekibi tekiyinza kumubalibwako.

Abaruumi 4:8,

"Aweereddwa omukisa omuntu Mukama gw'Atabalirako kibi."

Wabula ddala alibeera naye mu ntebe y'okulamula, ng'alamula amawanga ne bamalayika. Erinya lye (buli omu ku baalimu) lirina ekitundu mwe lyawandiikibwa mu Kitabo ky'Obulamu eky'Omwna gw'Endiga ng'ensi tennabaawo. Ekyokubiri, waliwo ekibiina ekirala. Nabo amannya gaabwe gali mu Kitabo ky'Obulamu era ba kuvaayo mu kuzuukira okwokubiri. Abalinga abo z'embeerera abasiru n'abatuukirivu aboogerwako

mu Matayo 25. Mu kibiina kino mulimu n'abo abatasinza nsolo oba abateenyigira mu nkola ya mulabe wa Kristo naye ne bafiirira okukkiriza kwabwe wadde tebal mu mugole, nga tebazaaliddwa mulundi gwa kubiri. Naye balija mu kuzuukira okwokubiri bagende mu bulamu obutaggwaawo. Ekyokusatu waliwo Abakulisitaayo aboomunguuba nga bwe twalabye mu Isiraeri nga bava mu Misiri. Bano amannya gaabwe gaali mu Kitabo ky'Obulamu n'emirimu gyabwe nga giwandiikkidwa mu bitabo. Bano nga bwe baajeemera Katonda era nga tebalina Mwoyo, wadde obubonero n'ebiyamagero byakolebwa wakati mu bo amannya gaabwe galisangulibwamu mu Kitabo ky'Obulamu. Mu kibiina kino mwe muliba abantu nga Yuda abo nga wadde tebalina Mwoyo n'akatono, naye bannaddiini, emirimu gya Katonda gyolesebwa mu bulamu bwabwe wadde mu bitabo tebaalondebwa MU YE. Abalinga Balamu ba kubeera mu kiti ekyo. Ekyokuna era ekisembayo be bo ab'amannya agatawandiikkibwangako wadde agataliwandiikkibwako mu bitabo.

Abali ng'abo basangibwa mu Okubikkulirwa 13:8 n'Okubikkulirwa 17:8,

"Era bona abatuula mu nsi baligisinza, buli atawandiikkidwa linnya lye mu Kitabo ky'Obulamu eky'Omwna gw'Endiga Eyattibwa okuva ku kutondebwa kw'ensi.

Ensolo gye walabye yaliwo era nga tekyaliwo era egenda okuva mu bunnya obutakoma n'okugenda mu kubula. N'abo abatuula ku nsi balyewuunya, abatawandiikkidwa linnya lyabwe mu Kitabo ky'Obulamu kasookedde ensi eteekebwawo, bwe baliraba ensolo nga yaliwo era nga tekyaliwo ate eribaawo."

Yesu Yagamba nti waliwo ekibiina eky'okukkiriza oyo ajja mu linnya lye. Oyo ye mulabe wa Kristo. Era ekyo kyennyni kye kiboogerwako mu Okubikkulirwa 13:8 ne Okubikkulirwa 17:8. Bano baayawulibwa Katonda wabula tebaalondebwa. Era ekibiina kino mwe musangibwa abantu nga Falaawo.

Ayogerwako bw'ati

"olw'ekigendererwa kye kimu kino Nkuyimusizza." "Ebinya eby'obusungu ebyateekerwateekerwa okuzikirira."

abaruumi 9:17 ne 22. Tewali n'omu ku bano yali wa kuteekewa mu kitabo kya bulamu. Sigamba nti tebalina we baawandiikkibwa. Tewali kubuusabuusa we wali we baawandiikkibwa, naye si MU BUWANDIIKE BW'OBULAMU. Ekigendererwa ky'okubeerawo kwabwe kyogeddwako katono mu kitundu ky'ekitabo kino ekisigaddeyo naye tuyinza okwongerako ebyawandiikkibwa ebirala bibiri.

Engero 16:4,

"Mukama ababi yabakolera olunaku lw'okulabirako nnaku."

Yobu 21:30,

". . .ng'omuntu omubi aterekerwa olunaku olw'okulabirako ennaku oba Nga batwalibwa eri olunaku olw'obusungu."

Akatundu k'Ekgambo kano nga bwe kali akakalubo omutima gw'omuntu okukategeera, kateekwa kufunibwa bufunibwa na kukkiriza. Abamu ba kusunguwazibwa olw'ebyo bye ndaze kuba balemwa okutegeera obuyinza bw'oku ntikko obwa Katonda obulaga nti KATONDA YE KATONDA, era olw'okuba ye Katonda omuntu tayinza kusinga kuteesa Kwe oba n'awakanya ekigendererwa Kye; n'enteekateeka Ye; wabula Ye, nga bw'Ali Ayinza byonna, Afuga ebintu BYONNA era Akola kyonna ky'Ayagala n'ebitonde Bye kubanga byonna byatondebwa kumusanyusa. N'olw'ekyo, Pawulo nga bw'agamba, "Singa Katonda Addira ekitole kimu eky'ebbumba mu kitole ekyo kye kimu n'Abumbamu ekibya eky'ekitiibwa n'ekirala ekitali kya kitibwa, ani amunyiigira era amukaabirira?" Ekyo wa ddembe okusinziira ku butonde bwokka tetuyinza kukigaana. Naye ate yeeyongera nayo ewala, kubanga okusinziira ku Baruumi 14:7-9 tulina obukakafu obutawakanyizika nti Yesu Yagula ensi yonna (Yagisasulira) kale n'olw'ekyo Asobola okukola nga bw'Ayagala n'ebibye.

"Kubanga tewali muntu mu ffe eyeebeerera omulamu ku bubwe yekka,

era tewali yefiira ku bubwe yekka. Kubanga bwe tubeera abalamu, tubeera balamu ku bwa Mukama waffe; oba bwe tufa tufa, tuba ba Mukama waffe.

Kubanga Kristo kye Yava Afa n'Abeera omulamu Alyoke Abeerenga Mukama W'ABAFU ERA N'ABALAMU.

(Bwa nnannyini; SI bwa luganda wano bwe butegeezebwa)

kino kiragibwa ne mu Yokaana 17:2,

"*Nga bwe Wamuwa obuyinza ku BALINA OMUBIRI BONNA, Abawe obulamu obutaggwaawo abo bona be Wamuwa.*"

Kati, oba Katonda tumubalirako okumanya byonna, tuteekwa n'okukkiriza nti mutuukirivu mu magezi ne mu butuukirivu. Entegeka eno ey'okulondebwa n'obutasiimibwa, magezi ga Katonda agaabikkulwa mu mirembe gyonna era nga bwe kigamba mu Abaefeso 1:3-11,

"Yeebazibwe Katonda Kitaawe wa Mukama waffe Yesu Kristo, Eyatuwa buli mukisa gwonna ogw'Omwoyo mu bifo eby'omu ggulu mu Kristo:

nga bwe Yatulondera mu Ye ng'ensi tennaba kutondebwa, ffe okubeera abatukuvu abatalina kabi mu maaso Ge mu kwagala;

bwe Yatwawula edda okumufuukira abaana ku bwa Yesu Kristo, nga bwe Yasiima olw'okwagala Kwe,

ekitiibwa ky'ekisa Kye kiryoke kitenderezebwenga, kye yatuwa obuwa mu Oyo omwagalwa:

eyatuweesa okununulibwa kwaffe olw'omusaayi Gwe, okusonyiyibwa ebyonoono byaffe, ng'obugagga obw'ekisa Kye bwe buli,

kye Yasukkiriza gye tuli mu magezi gonna n'okutegeera kwonna,

bwe Yatutegeeza ekyama eky'okwagala Kwe, nga bwe Yasiima Yekka nga bwe Yamalirira edda mu Ye,

olw'obuwanika obw'omu biro ebituukirivu, okugattira awamu byonna mu Kristo, ebiri mu ggulu n'ebiri ku nsi;

mu Oyo naffe mwe twafuukira obusika, bwe twayawulibwa edda mu kumalirira kw'Oyo Akoza byonna nga bw'Ayagala mu kuteesa Kwe;"

Kale Katonda bw'Aba nga Yategeka nti wabeewo abantu amannya gaabwe gateekebwe mu kitundu ekimu ekiri mu Kitabo ky'Obulamu eky'Omwna gw'Endiga era nga tegasobola kusangulwa kubanga ago mannya ga mugole We, tuteekwa okukkiriza ekyo. Oba nga era kigamba nti waliwo abo ng'amannya gaabwe gaawandiikibwa mu Kitabo ky'Obulamu naye mu kumanya kwa Katonda ebiribaawo mu maaso baali ba kugwa n'amannya gaabwe gasangulibwe, tuteekwa okukkiriza ekyo. Era bwe wabaawo abo ab'amannya AGATAAWANDIIKIBWA mu Kitabo ky'Obulamu, ekyo nakyo tuteekwa okukikkiriza. Era bwe wabaawo abo abaliyingira mu bulamu obutaggwaawo oluvannyuma Iw'okulamulwa kw'oku ntebe Enjeru Iwa kintu kimu kyokka eky'okuba n'ekisa, obulungi n'obwenkanya eri abalonde ba Katonda baganda Be (aba Yesu), olwo tetulina kirala kye tuyinza kukola okuggyako ekyo okukikkiriza KUBANGA ANI AMANYI EBIRI MU MUTIMA GWA KATONDA ALYOKE AMUWE EBIRAGIRO? Wabula tukole kino kyokka tube bawulize mu kukkiriza eri Oyo Kitaffe tube balamu.

Okutegeera essomo lino okusingawo kati kijja kuba kya magezi okukitunuulira okusinziira mu kkanisa okuyita mu emirembe. Okutuusa kaakano tubadde tulowoolerza mu kuggyamu amannya ga ba kinnoomu. Kati twagala tukwate ku bibiina ebikiikirirwa mu kkanisa so si bantu ssekkinnoomu. Okukikola ekkanisa okuyita mu mirembe tujja kugifaananya ku kimera ky'enngaano. Empeke y'enngaano esimbibwa ng'ekigendererwa kiri nti empeke emu ejja kuzaala yeebazeemu mu ngeri emu mu kiseera ekimu. Empeke eyo emu ejja kufa, wabula mu kufa, obulamu obwagirimu bujja kuvaayo mu kisimbe ng'ekyo kye kinaawanirira obulamu obwo obw'okukomawo ng'empeke bwe yali ku lubereberye naye nga yeebazizzaamu. Yesu Empeke Ennangira ey'ekitalo yafa. Oyo atenkanika, obulamu bw'ekkanisa, Ayimiridde wakati mu kkanisa ku Iw'emirembe omusanvu egy'ekkanisa ng'Awa obulamu bwe eri ekkanisa (omusituzi oba aweeka) obulamu bwe bwennyini bulyoke buzaalibwe mu mibiri ng'ogugwe mu kuzuukira. Ku kiseera ky'okuzuukira Ensigo Ennangira w'Alirabira ensigo ennangira nnyingi ezifaanana nga Ye, era baliba bafaanana nga Ye kubanga Yokaana agamba, "tuliba nga Ye." Kino Yokaana Omubatiza kye yali ayogerako bwe yagamba nti Yesu wa kukunngaanya enngaano agiteeke mu ggwanika. Okwo kwali kuzuukira abanunule abaalondebwa eri obulamu obutaggwaawo we bajjira.

Kati olwo, obuwandiike bw'ekimera kino eky'enngaano ng'ekigendererwa kuzaala nsigo embereberye nga yeebazizzaamu kye KITABO KY'OBULAMU. Nziramu: ebyafaayo oba obuwandiike bw'enngaano eno ky'Ekitabo ky'Obulamu nga ekitundu ku Kitabo eky'Obulamu bwe BUWANDIIKE BW'OBULAMU OBUTAGGWAAWO. (Akatundu mu Kitabo ky'Obulamu.) Kino kitegeerekeka mu kwekenneenya ekimera ky'enngaano. Ensigo

enjereere esigibwa. Mangu omutunsi guvaayo. Naye eyo si y'eba enngaano. Ekula n'efuukamu enduli. Era tennaba kufuuka ngaano. Obulamu mwebuli, naye si ngaano. Ku nkomerero y'enduli waggulu waliyo amabeere agaleeta obubooya. Weewaawo kimera kya nngaano naye ng'enngaano y'ennyini tennavaayo. Olwo ekimera ne kifuna empumbu, ne tulaba ng'ebisusunku bivaayo (okusowola). Ddala kino kirabika ng'enngaano naye tennafuuka nsigo. Olwo enngaano n'etondebwu mu kisusunku. Kaakano ezzeeyo mu ekyo kye yali ku ntandikwa. Kaakati enngaano ennyengevu ekungulibwa.

Yesu Kristo Yafa. Yawaayo obulamu Bwe. Obulamu obwo bwali bwa kukomawo ku kkanisa buleete abaana bangi nga Ye eri ekitibwa mu kuzuukira. Naye ng'ensigo y'enngaano bwe yalina okuba n'ekigisitula oba ekigwanirira ezaale empeke y'enngaano, bwe kityo waali walina okubeerawo ekkanisa ewanirire obulamu bwa Kristo. Ng'ebikoola, enduli, amabeere n'ebikuta bwe byali ebiwanirizi by'ensigo naye nga byo SI y'ensigo, kale ekkanisa yonna awamu okuyita mu biro y'ebadde omusituzi W'ENSIGO entuufu wadde yo nga si y'ensigo. Eyo y'ensonga Iwaki tusobola okugamba nti Ekitabo ky'Obulamu ky'ekimera (ekisimbe) KY'ENNGAANO EKIRAMBA.

Ka ekyo tukiddemu nate. Yiino wano ensigo eyo eyasooka okusimbibwa. Yaleeta ekikoola. Yali si y'eyo. Yaleeta enduli. Era yali (ensigo) tennaba. Wano ebikuta ne bijja omwokubeera enngaano. Si ye yo. Amabeere ne gajja. OLWO EMPUMBU N'EGWA KU BIMULI EBYO. EKITUNDU KU KIMERA EKYO NE KIFUUKA KIRAMU. EKINTU KU NSIGO EYO EYASOOKA EYAJJA NG'EYITA MU KIMERA KIFUUKA ENSIGO. Lwaki ekimera kyonna tekyafuukamu nsigo? Lwa kubanga kyatonderwa Iw'ekyo. Kitundu butundu ku kimera ekyo kye kisobola okuddayo okufuuka ensigo kubanga kitundu butundu ku KIMERA KY'ENNGAANO NGA EYO YE NNGAANO EY'OBULAMU OBUTAGGWAAWO.

Ekifaananyi ky'ekyo kyennyini mukirina mu Isiraeri nga bava E Misiri. Baafulumamu abantu, ng'obukadde bubiri ab'amaanyi. BONNA baasimattuka nga bayita mu musaayi gwa sSaddaaka. BONNA baabatizibwa mu Nnyanja EmMyufu; BONNA baafuluma mu mazzi nga beeyagalira mu kwolesebwa kw'Omwoyo Omutukuvu n'emikisa; BONNA baalya ku mmere ya bamalayika; BONNA baanywa mu Iwazi olwabagobereranga. Naye okuggyako abatono ennyo, abaasinga obungi baawanirira buwanirizi abaana abaabagoberera bayingire mu Kanani. Isiraeri yenna SI Isiraeri. Era abasinga obungi amannya gaabwe gaasangulwa mu Kitabo ky'Obulamu.

Tulina ekintu kye kimu ddala n'okutuusa kati mu kkanisa. Amannya gagenda kusangulwa mu Kitabo ky'Obulamu. Tewali mannya gagenda kusangulwa mu Kitabo ky'Obulamu Obutaggwaawo kubanga obwo buwandiike obuli mu Kitabo ky'Obulamu. OKUTEGEZA KWE KUNO: KATONDA ATUWADDE OBULAMU OBUTAGGWAAWO, ERA OBULAMU BUNO BULI MU MWANA WE. ALINA OMWANA ALINA OBULAMU (OBUTAGGWAAWO). ATALINA MWANA WA KATONDA TALINA BULAMU (OBUTAGGWAAWO). Era abo abalina obulamu obwo baali mu YE ng'ensi tennabaawo. BAALONDEBWA MU YE NG'ENSI TENNABAAWO. ENSIGO EYO ENNANGIRA EY'EKITALO, Yesu Kristo, Yasimbibwa (Yafa) era obulamu obwo obwali mu Ye bwajjira mu kimera ky'enngaano era bwennyini bwezaala nga buvaamu nnamungi w'ensi z'enngaano nga mu bwo mulimu obulamu bwe bumu, era okufaanana ng'Eyasooka kubanga okuyita mu Mwoyo z'ezo ezaasooka.

Kati tusobola okulaba Iwaki omugole omununule (nnyiniye yamugula n'amweddiza) (yali mu Ye nga Kaawa bwe yali mu Adamu) amannya ge 'ag'obwammemb'a' tegasobola kusangulwa. Kitundu (omugole) ku Ye (Yesu). Ali mu nnamulondo. Tayinza kulamulwa. Buli omu ali mu mugole kitundu ku Ye era talina gw'Abulwako. Naye si bwe guli ku "bonna" abali mu Kitabo ky'Obulamu. Kubanga mu bo mulimu abalinga Yuda n'abalala, abaawandiikibwa naye amannya gaabwe gaggyibwamu. Tuyinza okulaba abo abajja mu nnaku ez'oluvannyuma, nga bamaze okukola, emirimu egy'ekitalo, Yesu Agenda kubagamba nti teyabamanyaako. Tekiri nti yali tabamanyi nga weebali. Nga bw'Ali Ayinza byonna ekkyo kiggyawo obutabamanya; wabula tebaamanyibwa nti balibeera mu mugole wadde tebaamanyibwa nti balibeera mu batukuvu b'omu kuzuukira okwokubiri. Tebaabala kibala (kuba baali bweru wa Kigambo — tebaakitambuliram) kale, n'olw'ekyo baasalirwa gwa kufa. Nga bwe tulaze emabegako waliwo abo abaayimirira ku Iw'omugole ne bamuyamba era ne bamubudaabuda. Amannya g'abo gaasigala mu Kitabo ky'Obulamu era bagenda mu bulamu obw'emirembe n'emirembe. Ekisembayo waliwo abo abalinga Falaawo ng'amannya gaabwe tegabangako mu Kitabo kya Bulamu era bano nabo basuulibwa mu nnyanja ey'omuliro.

Kale empeke y'enngaano eyafuuka ekimera eky'okukungula by'ebafaayo by'ekkanisa. Era nga bwe kiri nti ekimera ky'enngaano kyonna si y'empeke yonna ey'enngaano era ng'ekimera kyonna bwe gatali makungula n'ekkanisa nayo bw'etyo bw'eri: — ekkanisa yonna si ye mugole, era wadde si yonna y'eweebwa obulamu obutaggwaawo, naye EKITUNDU ku yo kikunngaanyizibwa ne kiteekebwa mu kyagi N'EKITUNDU ekirala ne kiterekebwa okuyingira mu bulamu obutaggwaawo mu kuzuukira okwokubiri, N'EKITUNDU ekirala ekibalibwa ng'ebisusunku kyokebwa mu nnyanja ey'omuliro.

Era kino kyennyini Yokaana Omubatiza ne Yesu kye baayogera, kubanga Yokaana yagamba nti enngaano ya kukungaanyizibwa eteekebwe mu ggwanika n'ebisusunku byokebwe. Yesu Yagamba, "Musooke musibe enngaano ey'omu nsiko mukungaanye enngaano ennungi." Enkola egatta amadiini gonna (ecumenical movement) ejja kusiba wamu engaano ey'omu nsiko kubanga enngaano ey'omu nsiko eteekwa OKUSOOKA okusibibwa, era wadde ya kwokebwa teyokebwawo nga yaakasibibwa eterekebwa okutuusa nga wayiseewo ebbanga, ng'ekyo kya kubaawo ku nkomerero y'emyaka olukumi oba mu kuzuukira okwokubiri. Naye enngaano embi olusibibwa okukwakkulibwa kusobola okubeerawo era bwe kityo bwe kiba mu biseera ekiri wakati w'okusibibwa n'okubikkulirwa kw'omulabe wa Kristo. Olwo olunaku luli lutuuke BONNA Iwe baliyimirira awamu nga bwe tukiraba mu Danyeri. Kabaka Alibeera awo n'omugole We era mu maaso Ge walibeera nnamungi w'abantu ab'okulamulwa. Yee. BONNA bali awo. Ebitabo byonna bibikkuddwa. Ebintu BYONNA biggwe. Ddala amakungula gawedde. Ebitabo ebyabikkulwa kati bibikkiddwa.

Mu kumaliriza eky'okuyiga kino kati, ka njogere kye nnagambye ku ntandikwa yaakyo nti tewali wadde ekyawandiikibwa ekimu ekyogera ku Mukama nti KAAKANO Awandiika olukalala Iw'amannya. Ekyo bwe kiri. Wabula ate waliwo Ekyawandiikibwa ekisonga ku kukunngaanya gye bujja. Kiri mu Zabbuli ey'ekinaana mu omusanvu. Zabbuli eno eyogera ku Mukama ng'Awandiika amannya g'abo bona abaazaalibwa mu Sayuuni. Tewali mulundi n'ogumu Iwe kiteekwa kutwalibwa nti Katonda Alina okulinda okutuusa ku nkomerero y'emirembe oba ku kiseera ekyo w'Alikolera ku bya Sayuuni okusobola okumanya baani bona ab'okuzaalibwa mu Sayuuni. Era ekyo kyandibadde kisangulawo okuyitibwa nti y'Ayinza byonna. Ddala amanyi abo bona abali mu muwendo ogwo. Naye kiki? Kino si bwe buwandiike obulongooseemu Katonda mw'Ateekera amannya ago agaasigalawo oluvannyuma Iw'okuzuukira okwokubiri nga gawkata ku Sayuuni? Ddala, kyekyo.

"Era ndyatula erinnya lye mu maaso ga Kitange ne bamalayika Be."

Okuyita amannya mu ggulu! "Omuntu bw'afa, aliba mulamu nate? Nandirindiridde ne mmala ennaku zonna ez'olutabaalo Iwange." Okutuusa okuteebwa kwange Iwe kwandizze. Onaayita ne nkuyitaba: onaaba n'okwegomba eri omulimu gwe emikono gyo. Omusumba ow'Ekitalo Ayita endiga Ze ng'Akozesia erinnya lyazo. Eddoboozi iya Katonda eritonda libayita okuva mu nfuufu oba okukyusa emibiri gyabwe wadde baali tebanneebaka. Kwe kukwakkulibwa. Ky'Ekyeggulo ky'Endiga n'Omugole We.

Naye okukwakkulibwa si kwe kuyita amannya kwokka. Awo ku kuzuukira okwokubiri, ku kulamula kw'Entebe Enjeru amannya gagenda kwatulwa mu maaso ga Kitaffe ne bamalayika Be. Kati abo abamanyi, nti eddoboozi erisingayo obuwoomu eri okutu kw'omuntu banngamba nti ly'eryo ery'erinnya ly'omuntu oyo. Abantu so nga baagala okuwulira amannya gaabwe mu lujjudde. Nga baagala okukubirwa emizira. Naye tewali ddoboozi iya ku nsi liryatula linnya lyo mu buwoomu kwenkana ddoboozi iya Katonda erinnya lyo bwe liba nga liri mu Kitabo kya Bulamu ne lisigala omwo libikkulwe mu maaso ga bamalayika abatukuvu. Nga luliba lunaku Iwa kitalo Iwe tuliwulira Yesu ng'Agamba "Kitange, baayatula Erinnya lyange mu maaso g'abantu mu nnaku ez'olugendo Iwabwe. Kaakano Nja kwatula amannya gaabwe mu maaso Go ne bamalayika bona ab'omu ggulu."

"Alina okutu awulire Mwoyo ky'Agamba eri amakanisa."

Omulundi omulala nate Mwoyo Ayogedde. Nate tuzzeemmu okulaba obuwandiike omuli Mwoyo bye Yayogera eri omulembe omulala. Era tusanze ng'obuwandiike butuufu. Omulembe omulala guyiseewo era gwatuukirira ddala nga bwe Yagamba. Ekyo nga kituzzaamu amaanyi ffe abasuubira okuba mu mugole w'olunaku olusembayo, kubanga kireetera emitima gyaffe okubuuka n'essanyu nti mwesigwa era Alituukiriza buli kisuubizo Kye. Oba yali mwesigwa era wa mazima eri ab'omu Mulembe gwa Saadi, kale mu ngeri y'emu mwesigwa eri ab'omu Mulembe gwaffe. Oba bali olw'ekisa Kye n'amaanyi Ge Alibasembeza era Alibayozaayoza, naffe bwe tutyo. N'olw'ekyo ka tugende

eri obutuukirivu tuisinkane Mukama mu bbanga, tubeere naye emirembe n'emirembe.



www.messagehub.info

Sermons By
William Marrion Branham
"... in the days of the voice ..." Rev. 10:7